

鎌倉將軍家譜全


				和書門類
		三六四一		
	一三一			
五册	架	函	號	

庫	文	閣	内	
一四八	函	二	五	和書
		架	冊	號
				類

内閣文庫	番號	和	36641
	冊數	5	( 1 )
	函號	148	12

鎌倉將軍家譜合一本  
京都將軍家譜

家譜四種共五卷



綴じ部(喉部分)の文字等が開きが不鮮明な場所あり

鎌倉將軍家譜

一代 賴朝 千世 二十年



清和天皇十代左馬頭源義朝三男  
母熱田大宮司散位藤原季範娘



後白河院保元三年二月三日任皇后宮權少進時歲  
十二

二條院平治元年正月二十九日任右近將監

同年二月十三日停皇<sup>下</sup>后宮權少進<sup>上</sup>補上西門院藏人  
將監<sup>元</sup>

同年六月二十八日為<sup>元</sup>內藏人

同十二月十四日任<sup>元</sup>右兵衛佐



同月二十七日義朝與平清盛合戰時以累代所傳之  
源太產衣鎧及鬚切太刀授賴朝同在戰場進到六波  
羅義朝軍敗赴東國賴朝困勞後到江州森山里人欲  
執賴朝賴朝拔鬚切自斬殺二人里人恐懼逃去會義  
朝使鎌田政家初名清歸尋賴朝即追及義朝既而又後  
遂與義朝相失賴朝凌雪獨行到淺井北郡暫憩於民  
家明年二月首途赴羨濃青墓直到不破開之原為平  
氏家臣弥平兵衛宗清被虜入六波羅依清盛繼母池  
禪尼懇望宥之配伊豆國時永曆元年三月十一日也  
歲十四

安元元年賴朝在伊東祐親宅祐親欲害之即密出伊  
東入北條藤九郎盛長佐々木三郎盛綱從焉

伊豆國豪傑北條四郎時政者上野介平直方五代之  
孫也以賴朝為婿納其女政子

治承三年高雄僧文覺流伊豆國來謁賴朝

同四年源三位賴政及子仲綱欲討平家四月潛勸茂

仁親王高倉宮或使千郎藏人行家帶其令旨赴伊豆

告賴朝請揚義兵自永曆元年至今歲二十同八月賴

朝遣時政及佐々木一族等擊滅山木判官平兼隆是

平家一流之氏族也賴朝赴相模與大庭三郎景親等

戰於石橋山敵乘勝賴朝僅率七騎入相山土肥實平

從之梶原景時在敵陣密合心於賴朝故又遁到箱根

而後自主肥真名鶴崎乘舟赴房州三浦一族來從焉

九月赴上総向下総千葉介常胤上総介廣常來屬焉

十月赴武藏國畠山重忠馳加尋相從者已及三萬餘  
乃著相模國鎌倉關東八州并甲斐源氏等悉來從於  
是遷由比卿鶴岡八幡宮於小林卿以崇之

賴朝率二十萬騎越足柄山景親逃亡河村山天跡遠  
景生捕伊東祐親獻之

賴朝到黃瀬河進赴駿州賀嶋先是平家聞賴朝揚兵  
使惟盛忠度知度等以兵東行陣於富士川西岸一夕  
驚富士沼水鳥羽音而亂走

賴朝使武田太郎信義居駿州安田三郎義定守遠州  
九郎義經自奥州來謁賴朝於黃瀬川

賴朝歸相模國府行勲功賞於家臣景親降參遂梟其  
首

十一月賴朝赴常州擊佐竹

以和田小太郎義盛補侍所別當

十二月鎌倉大倉卿新造亭有移徙之儀出仕侍三百

十一人東國見其有道推而為鎌倉主明年二月清盛薨由是諸国多屬賴朝

壽永二年七月於由比濱見半追物

後鳥羽院元曆元年伊豫守木曾義仲在洛無礼正月

範賴義經奉賴朝命上洛追討義仲屬範賴者五万六千餘人屬義經者

餘人

二月範賴義經為使節討平家攻落攝州一谷城虜重

衡送之於鎌倉

賴朝於朝務事註其所存四ヶ条以太藏卿高階朝臣

泰經被奏之

三月下知鎮西九國住人等使早為御家人安堵本領  
且追討平家上

賴朝叙正四位下以誅義仲故也

四月使池大納言平賴盛及室家如元領二十四ヶ所  
報禪尼之恩也

八月新造公文所以中原廣元為別賞

文治元年正月使範賴到長門赤間關渡豐後以攻平  
家上

二月義經赴讚岐國攻落屋嶋城安德帝并宗盛等出  
内裡赴海於是燒内裡

三月義經渡壇浦攻平家關東軍兵同赴焉戰於海上  
平氏遂敗安德帝沉海屬宗盛及子清宗返送神金賢  
所於帝都上

四月賴朝叙從二位追討平家之賞也

五月義經以宗盛父子赴鎌倉然義經違賴朝旨故不  
能入鎌倉

六月誅宗盛清宗於近江国誅重衡於南都

八月勅使江判官公朝來于鎌倉文覺上人亦同來  
十月勝長壽院供養義朝菩提所  
初号南御堂

十一月時政在京奉仰諸国地頭守護不論權門勢  
家庄公可充課兵糧米之由云勅許之

同二年三月六十六ヶ國被補惣追捕使并地頭由是  
諸国置守護押國司之威僅存吏務之名所有庄園卿  
保補地頭而本所如無時政補七ヶ国地頭

同三年十月修造閑院皇居

同四年正月御的始

同五年頼朝叙正二位

三月大内修造

閏四月與州泰衡殺義經於衣河館是任勅定且從

頼朝命也

八月頼朝率軍到與州與泰衡合戰九月泰衡敗死求

出羽陸奥田文

十二月以梶原景時為厩別當

建久元年十一月頼朝入洛參内院參不經參議中納

言直任權太納言被進砂金八百兩鷹羽二櫃御馬百

疋其後參詣石清水又兼任右近衛大將有拜賀

十二月直衣始

辭退兩職而歸鎌倉

給高能守六波羅高能者左兵衛督能保子

即是頼朝之甥

同二年正月政所吉書始且定其役人

給能保守京都給天跡遠景為鎮西奉行

同三年七月任征夷大將軍勅使持宣旨到鎌倉頼朝

東帶受乏

四年三月以幡磨國委沙門文覺重源修造東大寺

五月造替鹿嶋神社

到富士野有卷狩

八月置範頼於伊豆

同五年十一月海道驛定支配

同六年二月賴朝入洛朝廷群臣來賀此從也賴家政

東大寺  
供養也

賴朝詣東大寺帝行幸落慶之賴朝布施馬一千疋米

一万石黃金一千兩絹一千疋

帝還幸賴朝參內獻馬

六月賴朝賴家及政子歸鎌倉

同九年十二月相毛三郎重成為亡妻追福供養相模

川橋賴朝赴焉歸路落馬成病重成妻者時政女政子妹也

土御門院正治元年正月十三日征夷大將軍正二位

前權太納言兼右近衛大將源朝臣賴朝年五十三

執權一代北條時政

賴家 治世五年

童名万壽公

母從二位平政子遠江守北條時政娘

安德帝壽永元年壬寅八月十二日庚戌誕生於鎌倉

比企谷有鴨弦年六墓目之儀式

後鳥羽院文治四年七月御著申始時七歲

同五年正月御弓始

建久元年四月以下河邊庄司行平為御弓之師

同六年二月與賴朝同上洛六月參內賜御劔

同八年十二月叙從五位上任右近衛少將

同九年正月任讚岐權介

鎌倉譜

土御門院正治元年正月轉任左近衛中將宣下云續

前征夷將軍源朝臣遺跡其家人郎從等如舊奉行

諸國守護即有吉書始

四月造問注所

同二年正月叙從四位上聽禁色

殺梶原一族

二月造營壽福寺僧榮西開山

十月賴家叙從三位任左衛門督

建仁元年七月百日御鞠九月以組内所行景為鞠師

同二年七月遊獵伊豆

八月叙從二位任征夷大將軍

同三年六月使和田平太胤長入伊豆伊東崎洞使仁

田四郎忠常入富士人充

七月賴家有病八月以關西三十八ヶ国地頭職讓合

弟千幡君實朝以關東二十八ヶ国地頭并惣守護職

讓一幡君賴家長子

九月北條時政義時殺比企能貞時一幡君亦被害

能負者一

萬君外祖

賴家落飾下向伊豆修禪寺

十一月廿七日殺平高濑小名六代

元久元年七月十八日薨於修禪寺於浴室中被害

三代 實朝 治世十七年



童名千幡君

母同頼家 建久三年壬子八月九日巳酉誕生於鎌

倉名越館有鳴弦墓自之儀式

建仁三年九月為關東長者叙從五位下任征夷大將

軍

十月實朝元服於時政名越亭御家人百餘輩著座政

所始時政持參吉書 實朝始著甲冑又乘馬且有弓

始儀

實朝任右兵衛佐

十二月諸人訴論是非進覽文書之後至三ヶ日不加

下知者可被處奉行人於緩急過之由儲其法

元久元年正月實朝讀書始孝經中原仲章為侍讀賜

砂金五十兩御劔一腰

實朝叙從五位上

二月實朝出由比濱御覽笠懸遠笠懸的

三月任右近衛少將

十月坊門前大納言信清息女自京下向鎌倉為實朝

御臺所

同二年正月叙正五位下兼加賀介任右近衛權中將

四月詠十二首和歌

六月時政妻牧御方念義時殺畠山重忠

閏七月牧御方奸謀發覺時政落飾下向伊豆北條郡

以義時為執權誅右衛門權佐源朝雅朝雅者牧御方督也

九月藤兵衛尉朝親自京都下著持參新古今和歌集

以獻之

建永元年二月叙從四位下

十月實朝以賴家子善哉公為猶子

承元六年正月叙從四位上

同二年十二月叙正四位下

同三年四月叙從三位

七月實朝被奉詠歌於住吉并為點被遣藤原定家

八月定家獻詠歌口傳一卷

同四年正月朔日義時為奉幣使詣鶴岳右大將家時

不及日次沙汰大畧以元日有御奉幣近年廢而無此

儀今年被興佳例

順德院建曆元年正月叙正三位兼表作權守

七月實朝讀貞觀政要

九月善哉公落飾号公曉

同二年叙從二位

建保元年二月叙正二位

五月和田義盛謀叛一族戰死

十一月定家獻萬葉集

同三年正月遠江守時政入道於北條卒 歲七十八

二月諸國閑渡被止旅煩

同四年六月宋朝陳和卿參春對告前身

任權中納言

七月轉任左近衛中將

同五年四月造唐船欲入宋不果

六月公曉自園城寺下著捕鶴岳別當

同六年正月任權大納言三月任左近衛大將

勅使權少外記中原重繼下向授左馬寮御監之宣旨

四月尼御臺所在京叙從三位

六月勅使內藏頭忠綱朝臣下向是太將拜賀御車并調度等持參

實朝為大將拜賀詣鶴岡雲客并御家人供奉

七月直衣始

定待所司五人北條泰時為別當山城大夫判官行村三浦左衛門義村河判官能範伊賀次

郎兵衛尉光家

十月任內大臣大將始元

禪定尼三位叙從二位

十二月任右大臣大將始元仙洞賜御車并調度等

承久元年正月廿七日酉刻實朝為拜賀參詣鶴岡月

卿扈從雲客并御家人等行列供奉義時俄有病讓御

劔仲章而退及夜陰右大臣神拜事終退出之處別當

阿闍梨公曉窺來于石階之際取劔犯右大臣即薨時

歲廿八或曰公曉詐為婦人形相擊之義時遣兵誅公曉

執權元時政僅二歲餘

元義時時政二男

右三代將軍自治承四年至承久元年合四十年

賴經

政子聽政八年治世十八年

大織冠鎌足二十一代光明峯寺關白左大臣藤原道

家公四男

母准三后從一位倫子西園寺太政大臣藤原公經公

建保六年戊寅正月十六日誕生於京都童名三虎御前

承久元年七月十九日下向鎌倉時二賴朝卿後室禪

尼重將軍舊好故為繼其後嗣申請之始賴勅許之朝始

嫁權中納言藤能保六人女嫁後

京極攝政藤原良經公生道家公此日酉刻有政所始賴經幼稚之間二位禪尼垂簾聽

政

同二年十二月緒穆

同三年五月後鳥羽院可追討義時等之院宣聞於鎌

倉義時遣諸將擊之時房泰時時氏率十萬餘人發東

海道武田小笠原等率五千人發東山道朝時義時率

四万人向北陸道共約期而進六月與京軍大戰于宇

治勢多京軍敗績時房泰時兩刺史移住六波羅搜索

官軍餘黨以紕之七月後鳥羽院遷幸於鳥羽院泰時

等立持明院守貞親王子茂仁為帝後堀川院

後鳥羽院遷幸於隱岐順德院遷幸於佐渡自是以後

每事問於關東而後行之

閏十月土御門院遷土佐又移阿波

後堀川院貞應元年正月有弓始之儀

二月於南庭有天追物賴經御覽

同二年六月義時造替駿河淺間宮

元仁元年四月賴經御手習始手本御視等者道家公所被贈也

金

十

兼

十一

六月十三日義時卒歲六泰時時房自京下著二位禪  
尼以兩人為御後見執行武家事時盛時房時氏時泰  
子上洛以守六波羅

八月時房泰時雖奉執事以義時忌故不出仕二品  
禪尼勸之故忌畢出仕政所

義時繼室尼依二位禪尼命籠居伊豆國北條流伊賀  
式部丞光宗於信州繼室以其所生之子政村為執權  
為將軍事光宗者繼室兄弟也故如此且欲立其婿宰相中將藤原實雅

九月泰時配分義時遺跡庄園於男女子息請二品禪  
尼授之二品感嫡子分甚不足

嘉祿元年十一月賴經元服

同二年正月賴經叙正五位下任右近衛少將補征夷

大將軍

七月二位禪尼平政子逝去法名如實年六十九

安貞元年正月賴經兼近江權介

同二年七月渡御三浦義村田村山庄有遠筭懸

寬喜元年二月駕舟遊三崎津眺望風景時房泰時供

奉有管絃詠歌

同二年正月應宣旨使御家人之內子一人候龍口

三月重時泰時弟上洛候六波羅

六月時氏卒歲二十八

十二月賴家卿息女所御所為賴經御臺所賴經年十

年二

同三年二月叙從四位下少將如元

三月着御四位袍准拜賀拜春日別宮

轉在右近衛中將

四月叙正四位下

諸國地頭所務沙汰

貞永元年正月兼任備後權守

二月叙從三位中將如元

五月泰時定成敗式目五十ヶ條

十月泰時下行九千餘石米救飢饉

四條院天福元年正月任權中納言

文曆元年三月北條經時泰時嫡孫元服於賴經御前

七月使奉行人誓書誓書是不論貴賤親疎可致正儀沙汰之由也

御臺所難產僊化 年三十二

十二月辞中納言叙正三位

嘉禎元年十月任陸奥出羽按察使

十一月叙從二位

同二年二月停薩摩守公業所領伊豫宇和郡事被進

常磐井入道相國

相模守時房任修理權大夫

三月武藏守泰時叙從四位下

十月南都衆徒所領新補地頭

十一月任民部卿

十二月泰時兼任左京權大夫

同三年三月沙汰京都結番事

曆仁元年正月將軍家上洛  
 二月十七日著御六波羅新造宅二十二日御參大相  
 國之亭次御參一條殿道家二十三日參內此夜小除  
 日將軍家任權中納言兼右衛門督二十六日捕檢非  
 違使別當二十八日被奉御馬干公家  
 今日中納言等御拜賀也為御覽御出立大殿道家渡  
 御六波羅殿於門外御下車是為希代事則被差進前  
 駟五人廿九日大理廳始也檢非違使廿六人皆參  
 其中五位尉八人大理賴出御各遂面拜及晚御參內  
 至曉渡御前右府實氏并准后御亭翌日還六波羅  
 三月任權大納言停督別當  
 渡御北山別業

四月大納言御拜賀

渡御仁和寺

辭權大納言

一條殿於法性寺剃髮攝政殿兼經公將軍家共渡御

五月四日被進菖蒲枕鍍金銀并扇於公家

六月參詣春日社

為洛中警衛出辻可懸簾之由被定仍被充催役於

御家人等

七月十六日蒙本座之宣旨

廿三日御參石清水八幡宮

八月御參賀茂祇園北野吉田等社

十月十二日參內十三日出京赴關東廿九日著鎌倉

仁治元年三月御家人并伺候人々万事止過差（用）

儉約之條沙汰有之

十一月鎌倉中江々警固燒籬

是年時房卒

同三年六月泰時卒年六十二法名觀阿

後嵯峨寬元三年七月五日賴經於久遠壽量院剃髮

同四年七月前將軍入道大納言藤原賴經辞鎌倉歸

洛入六波羅若松殿（此時三浦光村殘留于御簾砌有密談）時賴經年二

十九

康元々年八月十一日薨於京都年三十九

執權平政子聽政八年

義時

時房 義時弟

泰時 義時嫡男

經時 泰時嫡孫

時賴 經時弟

五代 賴嗣

治世八年

母大納言定能卿孫中納言親能卿女号二棟御方又号大宮殿

延應元年十一月廿一日誕坐於鎌倉施藥院使良基

朝臣藥師堂之宅

仁治二年二月著袴



寬元二年四月廿一日元服時六歲賴經可讓征夷大將

軍之旨被告於京都勅許之廿八日賴嗣蒙征夷大將

軍宣言任右近衛少將叙從五位上時賴嗣蒙征夷大將

十二月讀書始筑後守正光為侍讀

同三年七月武藏守經時妹為御臺所年十六男槍皮

同四年三月經時有病讓執權於其弟左近將監時賴

閏四月經時卒年三十三法名安樂

五月北條光時義時孫朝時子與時賴欲爭執權不能成而祝

變六月流之於伊豆乃沒收其所領越後國

十二月叙從四位下少將如元

賜御教書於諸國守護地頭

後深草院寶治元年五月御臺所遷化八歲十

秋田城介義景告三浦若狹前司泰村及弟光村等慕

賴經潛挾野心時賴不信之而為避服忌行宿彼館頗

有疑慮俄歸去泰村大驚謝之時賴已和平然義景等

以此便率兵攻之泰村防之時賴不得已遣兵擊之遂

滅泰村一族

建長二年二月時賴諫賴嗣以可有文武替古

三月造閑院殿

五月讀帝範清原教隆真人候焉時賴書寫貞觀政要

獻之

同三年七月叙從三位任左近衛中將時賴叙正五

位下皆是造閑院之賞也

十二月佐木氏信武藤景賴生虜謀叛人了行法師  
矢作左衛門尉長次郎左衛門尉久連等獻時賴推問  
之處是前將軍賴經於京都有亂世之企云依之鎌倉  
中物惣イニ

同四年二月時賴重時遣使節於京都迎宗尊親王其書  
狀時賴自筆重時加判他人不知之

三月廿日賴嗣避鎌倉四月歸洛  
康元元年十月於京都早世年十八

執權

經時

時賴

重時

泰時弟

宗尊親王

治世十五年

後嵯峨院第一皇子

母准后平朝臣棟子藏人勘解由次官棟基女  
仁治三年誕生於京都

建長四年正月八日於仙洞御首服加冠左大臣藤原

兼平攝政兼經公被獻親主御袍御笏等御加冠之後

叙三品九日御行始公卿六人扈從時歲十一

三月十九日出自仙洞入六波羅即赴關東月卿雲客

并武士供奉依時賴之招也後嵯峨院微行栗田口見

乏四月朔日若鎌倉入時賴館五日任征夷大將軍

十四日政所始御弓始

八月為將軍拜賀欲詣鶴岡有病不果

十一月新造御所御移徙

鎌倉譜

七

同五年十一月時賴建長寺而供養之宋朝道隆禪師為導師号蘭溪

同六年四月西國地頭所務沙汰且定唐船負數五艘之外不可置之速可令破却

閏五月時賴申云近年武藝廢而自他門共好非職木藝事已忘吾家之礼訖可謂比與然者弓馬藝者追可

試會先於當座被召决相撲勝負將軍家從之即有相撲六番

命奉公諸人面々可為弓馬藝事十一月熊野本宮造營

十二月於御所光源氏物語事有御談儀河内守親行候之

康元々年十一月時賴於最明寺落飾時歲三十家督時宗幼稚間讓執權於武藏守長時重時子

正嘉元年二月時賴入道家督正壽七歲於御所元服賜宗字号時宗

九月勝長壽院造營十月大慈寺供養

同二年六月勝長壽院供養時賴召出青砥左衛門尉藤綱藤滿子

十月仰云可用三代將軍并二位家御成敗不可改之十一月百白御鞠

龜山院文應元年二月故攝政兼經公息女十歲為家明寺猶子下着入山内亭備御息所三月御家人賀嫁

娶有進物

七月十六日沙門日蓮作安國論一卷以獻時賴

十二月入道右大辨藤原光俊朝臣自京都下者當世

歌仙也

京上諸役沙汰

是年宋沙門普寧來号元庵

弘長元年二月海道驛馬匹夫定

寺社與行之沙汰

三月評定衆起請

十一月陸奥守重時卒

歲六十四 号極樂寺

同三年二月於相模守政村亭有和歌會一日千首

七月詠歌為合點遣民部卿為家入道自撰詠歌號初心思草

八月帝範御讀合

十一月時賴入道於最明寺卒

歲三十七 有哀傷御詠

十二月右少辨經任朝臣為仙洞御使下者吊最明寺

文永元年八月十日時宗執權

同二年九月御息所姬君御產

同三年四月將軍家有病以松殿僧正良基為驗者

或欲變世者託事於詠歌時人近候

六月於相模守時宗亭有秘計沙汰良基俄退出御所

逐電

若君入御相州亭鎌倉騷動七月相州使者參御所往

還兩三度中務權太輔北條教時朝臣召具甲冑軍

兵數十騎自藥師堂谷亭至塔辻宿所依之其近隣

成群動相州以使者制之敎時無所陳謝於是將軍家

乘女房輿出御所即歸洛入北條時茂六波羅亭敎時者義

時孫朝時子時茂者重時子長時弟良基入高野山斷食而死出

十月前將軍宗尊親王移居士御門万里小路院明門

於是謁仙洞及母准后中納言經任為御使赴關

同九年二月剃髮法名覺惠

同十一年七月薨歲三十三

十二執權五代時頼

十一月時頼子重時重時弟

政村重時弟

長時重時子

七代惟康親王 治世二十四年

母近衛攝政太政大臣藤原兼經公娘宰子

文永元年誕生鎌倉

同三年七月廿四日任征夷大將軍叙從四位

是年蒙古國王致書于日本國

同四年僧紹明歸自宋号南浦

同六年宋僧正念來朝号大休

同七年十二月惟康叙從三位任左近衛中將賜源朝

臣姓

同八年二月惟康兼尾張權守

十月北條左近將監義宗長時子入洛居六波羅北方是年日本遣使報蒙古國

同九年正月五日惟康叙從二位中將如元

二月十七日後嵯峨院崩先是西園寺太政大臣實氏

公女為後嵯峨院中宮生後深草院龜山院而寶治元

年後嵯峨院讓位後深草院即位正元六年後深草院

讓位龜山院即位至是後嵯峨院遺勅曰後來後深草

龜山兩院子孫相替可即帝位云實時宗之所為也其

意欲使皇胤為一流而分王威也初兼久之役西園寺

公經通志於義時故推舉之使監察朝廷云來公經并

子孫歷世官至相國屢為帝外戚初攝關家唯近衛殿

條院仁治三年良實為關白是二條殿祖也後嵯峨院

同六年二月北條業時執權重時五年

同七年四月四日時宗卒歲三十四法名道果号寶光寺

六月北條時國在京思逆應召赴鎌倉八月伏誅

十月時宗子貞時歲十續家督執權於是外祖城陸奥

守泰盛專威貞時家令平左衛門尉賴綱與泰盛相惡

同八年四月貞時任相模守賴綱告泰盛子宗景欲改藤原氏為源氏密謀叛而為

將軍上十一月泰盛宗景伏誅其黨皆平於是賴綱獨振威

同十年北條宣時執權時房孫

六月五日惟康任中納言兼右近衛大將

十月四日親王宣下叙二品或曰叙一品

正應二年八月鶴岡放生會將軍家參詣

九月鎌倉物忽將軍家俄上洛武士寄細代輿逆載之

鎌倉人語曰惟康親王流洛陽歲二十六於

正中三年十月薨歲六十二

執權六代時宗

義政重時四男

業時重時五男

貞時時宗子

宣時時房子

久明親王治世二十年

後深草院第二皇子

母三条内大臣藤原公親公女從二位房子号御匣殿

四年兼平攝政是應司殿祖也乃為五流皆是當時頼之時蓋分攝閣權欽

同月北條式部丞時輔時宗兄在六波羅密欲謀時宗北

條尾張守公時入道見西同遠江守教時應焉

十一月教時見西於鎌倉被殺時輔於六波羅被殺中

御門中將實隆籠居

同十年五月政村卒歲六十九

六月北條義政執權重時力四男

同十一年十月筑紫早馬來於六波羅告蒙古賊船到

對馬嶋合戰上

後宇多院建治元年鎮西送蒙古并高麗人等不入洛

直來於關東十二

十二月北條時國上洛居六波羅南方

時國者時房曾孫

同二年正月惟康兼讚岐權守  
四月蒙古使者到長門室津浦  
於龍口島首  
八月到關東  
九月

弘安二年正月惟康叙正二位

時宗遣使于大元招禪僧有客者明州太守以沙門祖元而充之祖元字無學

同三年二月殺元使杜世忠

同四年大元大將阿剌罕カキ范艾虎及忻都ヒシ洪茶仕率十万人來攻日本九州人防戰大勝時大風賊船皆漂溺十萬衆得還者僅三人皆云我朝天神之所助也  
是年元沙門祖元來見於時宗

同五年時宗建圓覺寺以祖元為開基  
文永十一年誕生於京都

正應二年九月貞時使飯沼判官等七人上洛迎之避舊將軍惟康親王所過足柄山改其路次而入京

十月三日久明親王元服九日任征夷大將軍十日自和洞入六波羅即首途

二十五日征夷大將軍一品式部卿親主久明下著鎌倉時歲十六

貞時承子壞惟康舊館新造御所奉居焉以惟康女為御息所

同三年三月甲斐源氏淺原八郎為賴強弓大力也於諸國成惡逆故沒收所領令群國尋索之為賴潛入京夜到內裡籠紫宸殿武士攻之為賴自殺其所放之矢



書曰太政大臣源為賴云三條宰相中將實盛依有同  
意之風聞被召捕到六波羅四月實盛及子侍從公久  
到鎌倉云

十一月時輔次男某憑三浦介賴盛謀叛被誅

是年禁製造作修理用途塊飯役五節供充課百姓云

但以地頭得分可致沙汰并禁入倫賣買

永仁元年三月以北條兼時時賴カ為鎮西探題居筑前

以監九州又置長門探題以監中國

四月鎌倉大地震死者一万余人

貞時家令賴綱剃髮号果圓威權日盛其次男安房守

任廷尉号飯沼殿密議立安房守為將軍果圓長子宗

綱以告貞時々々誅果圓及安房守等宗綱亦流佐渡

其後赦之

同二年十二月評議被捨置之訴人各有愁憤云越訴

非制限

同四年十一月吉見孫太郎義世範賴四謀叛被執斬

之於龍口

同五年評定越訴之事向後停止之但評定之内有餘

殘事奉行人可沙汰之替錢借物事可有沙汰書載其

利分者可任證文

同六年二月流權中納言藤原為兼於佐渡依有三隱謀

元年逢テ

正安二年七月異賊防禁事被相觸於上總前司北條

實政在鎮西義并西國堺相論事可沙汰之之

後伏見院正安三年八月貞時法名讓讓執權於其壻時師時時類時以時村副之與師時連署政村子

是年元僧一寧子曇來一寧号以西山子曇号以西山

後二條院乾元六年九月貞時供養最勝園寺以源惠

僧正為導師將軍家出御源惠者賴經子

嘉元二年貞時子高時生或云永仁元年生

同三年春北條宗方時類與師時相惡時村孫時

時者貞時壻也以與師時時姪故師時々村相睦宗方欲

先殺時村而圖師時時熙時四月宗方詐稱將軍命而率

群士夜襲時村殺之貞時使北條宗宣宗宣宇都官貞綱誅

宗方宗方

七月貞時使宗宣執權

此代貞時聞出羽羽黑修驗者之訴訟察回國使之濫惡且知民間之所愁而執濫惡者數百人而罪之又久我内大臣通基無故被廢其子蟄居於城南貞時糾其無罪執奏帝驚而許之

花園院延慶元年八月將軍久明親王上洛

後醍醐帝嘉曆三年十月薨年十五

執權 貞時七代

宣時 時房孫

師時 時親孫

時村 政村子

宗宣 宣時子

九代

守邦親王

治世二十五年

金倉

母征夷大將軍惟康親王娘

乾元六年誕於鎌倉

延慶元年八月任征夷大將軍

同三年六月金澤貞顯入洛居六波羅北方義時六世孫越後守

子顯時力

應長元年九月師時死年三十七

同十月負時卒年四十五高時僅九歲故使宗宣熙時

執權以長崎入道圓喜為內管領與高時舅秋田城介

時顯共輔高時

正和元年六月宗宣死年五十四

同四年七月北條基時執權業時孫後剃髮号

九月北條惟貞居六波羅南方宗宣

同五年七月高時執權年十四

八月熙時死

文保元年三月高時任相模守

同二年花園院內禪後醍醐帝即位初自後深草龜山

皇胤二流相代即位皆是關東之意也後醍醐者後宇

多愛子也朝廷皆以為此皇流宜為帝室之正統至是

勅使到關東欲立後醍醐之子護良為春宮高時不聽

遂立後二條院子邦良為太子後醍醐御之

元應元年四月僧疎石到鎌倉号夢

元亨元年十二月高時使常葉駿河守範貞居六波羅

範貞者重時曾孫英時為鎮西探題

兼倉

三六

同二年三月與州安藤五郎及又太郎謀叛高時使兵攻之

四月後宇多院使大納言藤原定房到關東請曰委世事於帝而其身早隱居於大覺寺也高時聽之

頃年攝津国住人渡邊右衛門尉挾野心高時使河内國住人楠正成擊平之又紀伊国安田庄司有逆心正成擊殺之賜安田舊領於正成又大和國越智四郎與六波羅相拒攻之不利正成襲擊滅之

同三年勅使參議藤原資朝到關東

正中元年後醍醐帝連年欲滅鎌倉九月土岐賴貞到六波羅告密謀於範貞々々使兵擊殺土岐賴貞多治見國長同二年五月關東使者入洛捕權中納言資朝藏人有少辨藤俊基歸鎌倉以預帝密謀故也

七月將軍家使僧踈石上洛應勅也

勅使大納言藤宣房到鎌倉賜告文於高時流藤資朝於佐渡赦藤俊基歸京

嘉曆元年三月高時祝髮号宗其弟左近大夫泰家欲

執權長崎新左衛門尉高資強使泰家剃髮令金澤貞顯執權泰家欲殺貞顯於是貞顯亦薙髮四月守時長

曾孫号赤橋維貞執權

同二年正月元僧正澄号清來居建長寺

十月維貞死

同三年七月前中納言藤原為相卒于鎌倉

元德二年五月範貞捕僧圓觀文觀忠圓知教教圓遣

之鎌倉依侍帝<sub>レ</sub>呪阻高時也又捕<sub>二</sub>一条中将為明以帝<sub>一</sub>  
之近在也既而赦之<sub>レ</sub>資朝<sub>一</sub>于佐渡

六月茂時執權照時子

七月文觀忠圓圓觀配流

捕俊基到關東殺之

高時欲使長崎高賴殺高資事覺高賴左遷於陸奥

元弘元年八月關東使者上洛欲易帝位後醍醐帝入

笠置山召楠正成使大納言藤原師賢登比叡山範貞

遣兵攻之

九月範貞遣兵攻破笠置城

十月後醍醐入六波羅

立光嚴院為帝

關東軍兵攻赤坂城主楠正成拒之

同二年三月範貞歸鎌倉仲時基時子時益政村曾孫上洛居

六波羅仲時居北方時益居南方另兩六波羅

流後醍醐帝於隱岐

五月後醍醐近臣死罪流刑

七月楠正成出張於天王寺六波羅兵攻之不克

九月高時徵群國之兵數十萬餘人使上洛

光嚴院正慶二年二月關東大軍攻落赤坂城楠正成家人居

又陷吉野城護良王子所守也於是諸軍相會攻<sub>二</sub>千劔破城<sub>一</sub>

城主正成能防之東軍圍之不克

三月赤松圓心自播摩亂入京都與六波羅合戰

後醍醐帝遁出隱岐國入伯耆國船上遣兵攻六波羅  
四月高時使客越尾張守高家足利治部大輔高氏上  
洛擊赤松高家討死高氏應後醍醐之勅攻六波羅  
五月七日高氏圓心等攻落六波羅仲時益出奔時  
益中矢死仲時到江州番馬自害  
八日新田義貞起兵於上野國高時遣惠性等攻之不  
克義貞進軍攻入鎌倉守時基時及大佛貞直金澤貞  
將等皆戰死惠性及高時之子邦時々行道出鎌倉并  
二日高時於東勝寺自害茂時範貞等以下一族悉自  
殺城入道圓明長崎入道圓喜等皆死是日將軍守邦  
剃髮

義貞索邦時殺之

廿七日小貳大友菊池等起兵於九州攻探題英時殺之

長門探題上野介北條時直降參宣軍  
七月守邦薨年三十三

執權 貞時

總出師時十八日

宣宗宣十十日

熙時 時村孫

基時 業時孫

高時 貞時子

貞顯 義時六世孫

守時 長時曾孫

魚會譜

維貞 守宣子


茂時 照時子

右自治承四年至正慶二年關東將軍九代合百五十四年

寬永十八年八月十七日奉 仰同廿日考十餘部記  
錄初抄出之同二十八日進覽之

道春

春齋侍側



鎌倉將軍家譜尾

定利讀岐守貞成男

尊八

將軍  
兼持院

義詮

將軍  
室儀院

義滿

將軍  
東山殿

直義

從三位左兵衛督

義持

將軍  
勝定院

義量

將軍  
長得院

義嗣

權大納言

義敏

將軍  
普廣院

義勝

將軍  
慶雲院

義政

將軍  
慈照院東山殿

義尚

將軍  
常徳院

義規

權大納言  
今出川大督院

義植

將軍  
東山殿養子

右白河... 應仁二年... 龍永十八年八月十七日... 録初抄出之前二十八日... 通...

山崎...



政知 從三位左兵衛督

義澄 將軍 東山殿養子  
法信院

義晴 將軍  
万松院

義輝 將軍  
光源院

義昭 將軍  
靈陽院

京都將軍家譜

尊氏 治世二十五年

足利又太郎初名高氏

父清和天皇十五代足利讚岐守貞氏

母從三位藤原清子上杉修理亮賴重女

後二條院嘉元三年誕生

後醍醐天皇元應元年十月十日叙從五位下任治部

大輔

元弘元年九月隨北條高時之命自鎌倉上洛欲犯笠  
置皇居路次聞笠置既陷直向楠正成所守之赤坂城  
同二年六月叙從五位上九月高時聞正成守千鈿破

京

城而六波羅兵不能克乃遣大軍攻之尊氏亦在其列  
明年二月攻千劔破城既而歸鎌倉  
四月高時聞官軍大起以名越尾張守高家為大手太  
將以尊氏為搦手大將又上洛尊氏宅父憂且病雖病  
之而屢被驅遣心深銜之弟兵部大輔直義亦從行兩  
將共入洛會於六波羅尊氏密遣使于伯耆船上皇后  
請賜宣旨討高時勅許之

二十七日高家與赤松圓心戰敗死尊氏與直義及家  
臣高師直等相議引兵往丹波聚軍兵詣于篠村八幡  
官

五月尊氏帥師上洛與赤松圓心等約期同攻六波羅  
破之越後守仲時左近將監時益逃出六波羅於路次  
皆被殺京師悉平尊氏與殿法印良忠爭權有隙

六月五日後醍醐天皇自船上還幸京師尊氏奉迎任  
鎮守府將軍聽內昇殿且任治部卿又叙從四位下任  
左兵衛督

護良皇子号大塔宮與尊氏有隙因良忠之勸而起兵  
欲擊尊氏勅諭之乃止

護良任征夷大將軍屢欲殺尊氏未果尊氏直義密賂  
護良繼母准后藤廉子以為自全之謀

八月五日叙從三位同日兼武藏守勅以高字為尊  
字

建武元年正月五日叙正三位  
勅賜武藏常陸下總

五月帝信謔囚護良皇子配之於鎌倉使直義守送之

七月廿日御筮始

九月十四日任參議左兵衛督兼武藏守如元

同二年七月高時子相模次郎時行叛蜂起入鎌倉

直義弒護良而出奔勅尊氏討時行尊氏請任征夷大

將軍未許但許管領關東八ヶ國

八月尊氏與時行屢戰破之於是尊氏入鎌倉自稱征

夷將軍晦日授從二位賞戰功也

十月尊氏獻奏狀與新田左兵衛督源義貞相為確執

而毀其勲功義貞亦上書訴尊氏偽曲且告其殺害護

良帝怒以尊氏為朝敵十一月義貞東征廿六日削尊

氏官

尊氏在鎌倉使直義師直等於路次拒義貞戰于矢野

鷺坂手超河原直義敗去義貞進到伊豆使弟義助副

中務卿尊良親王向死下尊氏聞逆鱗自切髮入建長

寺以示無叛心衆皆失氣於是伊豆守上杉重能之

謀而尊氏不得止乃著甲冑率兵赴竹下使直義赴箱

根十二月廿一日箱根之戰義貞雖得勝而竹下之戰

尊良義助敗奔故義貞亦失利退歸洛尊氏屯兵於伊

豆

延元六年正月尊氏直義率大軍發向上方與義貞戰

于大渡雌雄未決時細川定禪赤松範資等擊義助入

山崎義助兵散去義貞聞之慮朝敵狼籍帝都乃引兵

而退依是帝幸叡山十一日尊氏入洛內裏兵燹尊氏

使定禪居三井寺以窺山門上參議陸奧國司源顯家來着坂本上義貞顯家正成等先攻三井寺定禪敗歸京義貞直進入京十六日與尊氏相戰大破之其夕義貞息兵定禪襲破之義貞歸坂本

廿七日義貞顯家正成名和伯耆守長年入京攻尊氏尊氏亦失利正成以籌策使分尊氏兵既而義貞正成一朝急擊之尊氏遂敗逃到丹波又到攝津密使藥師丸回京求持明院之院宣其心欲扶天子而無朝敵之名也

二月二日帝自山門還幸

六日義貞顯家正成等追尊氏戰於攝州豐嶋河原大破之於是尊氏逃於九州入宗像大官司館太宰小貳賴尚來從焉

菊池掃部助武俊攻尊氏尊氏使直義拒之戰於多々良濱武俊敗北乃使仁木義長攻菊池城拔之又陷九州處々之城郭以平之從是之後西海山陰山陽望風而應

四月尊氏出太宰府使義長及小貳大友守九州先是利氏賴守海路細川定攝同賴春佐竹義教是

五月尊氏參詣嚴嶋時三寶院僧正賢俊齋持明院院宣來授尊氏

尊氏直義率大軍自海陸相分進發同到兵庫義貞陣於和田御崎正成陣於湊川以拒之

直義與正成大戰於湊川正成力戰破之直義殆死尊  
氏遣大兵救之正成奮擊數戰遂死之義貞義助聞  
正成死率兵赴湊川尊氏直義合軍大破之義貞敗北  
歸京奉帝又赴山門

尊氏上洛居東寺持明本院院光嚴御幸以本堂為皇居

六月二日尊氏遣諸將圍山門也於西坂東坂廿日義

貞大破諸將之軍屬高師重諸將遁歸京師師直

七月八日義貞等帥師入京尊氏繫破之十三日義

貞等分兵夾攻京師尊氏使諸將拒之時四條中納言

隆資自八幡俄來襲東寺師直及土岐惡源太防之隆

資失利敗走義貞深進到東寺門前大呼曰請與尊

氏挑身獨戰決雌雄無徒苦天下尊氏欲出戰上杉重

能諫之乃止既而諸將自後面來擊義貞々々潰圍

山是日名和長年戰死

八月光明院踐祚尊氏之所奉也

九月尊氏遣佐々木道譽於江州絕山門糧道官軍窮

困困

十月尊氏密遣使於馭山請後醍醐帝還京勅許之

使義貞奉東宮往北國十日還幸直義迎之奉入花山

院使兵士護之其供奉廷臣武士山徒等或殺之或囚

之義貞

義貞楯籠越前金崎城尊氏使足利尾張守高經高越

後守師師直泰弟仁木細川今川荒川小笠原塩冶等攻

之之

十一月尊氏任權大納言

定建武式目十七ヶ条

十二月後醍醐潛幸吉野

建武四年南朝延元二年三月諸將攻破金崎城

義貞義助出

城入瓜生氏カキ杣山カ城六日金崎城陷

新田義顯義貞長子自

害尊良親王同有御事春官恒良親王入京

尊氏使細川和氏カキ監諸國租稅之事

和氏悉押公家之

領地以為武士軍忠之食祿於是師直等私領皆倣和

氏之所為也攝關大臣以下諸公家皆到師直宅歎詬

之尊氏直義聞之僅分授領地

八月與州國司顯家攻入關東義詮尊氏嫡子在鎌倉聞之

遣諸將防之戰於利根河顯家擊破之十二月顯家及

新田義興等入鎌倉義詮出奔義興者義貞次男也

曆應元年正月顯家等上洛路次於濃州青野原與尊

氏諸將桃井直常土岐賴遠等合戰

義貞出自杣山攻落越前府城足利高經逃入黑丸城

尊氏直義執前東宮恒良及前將軍成良親王

二月尊氏遣高師泰細川頼春等擊顯家々々無利赴

南都與師直直常等屢戰屢敗五月廿二日於泉州安

部顯家討死少將顯信顯家弟義貞守八幡城

六月師直攻拔之

閏七月義貞攻黑丸城中流矢没

八月十一日尊氏叙正二位補征夷大將軍直義叙從

四位上任左兵衛督或云直義孫日本少副將軍

十六日南朝後醍醐帝崩於吉野太子義良即位於後村上院

同二年七月義助攻落黑丸城尊氏遣諸將攻擊之九月義助退去越前赴義濃遂參吉野

同三年三月師直詣塩冶高貞々々逃到出雲四月獲山名時氏殺高貞

義助赴濠州徇四國五月義助病死細川頼春聞義助死乃率兵括處々之城郭以平四國

是年建立天龍寺以僧疎石為開山

康永元年九月直義誅上岐頼遠頼遠醉中逢光嚴上皇御幸狼藉无礼此時直義代尊氏執天子政聞此事大驚

十二月尊氏因母服辭將軍不許  
三年正月尊氏參詣八幡社  
九月直義叙從三位

貞和元年八月廿九日天龍寺供養尊氏赴焉

備前住人三宅高德丹波住人荻野朝忠起兵尊氏使兵攻之朝忠降參高德潛入京欲襲尊氏館不成而奔

信濃

同四年八月楠帶刀正行起兵於河内尊氏使細川顯氏擊之戰於藤井寺正行擊破之尊氏又使大軍擊正

行正行潛兵入京俄襲尊氏直義館急擊之尊氏逃到近州内室遭害直義鑿地道遁出既而正行焮河内於貞尊氏直義歸洛

十一月遣山名時氏細川顯氏攻正行戰於住吉安部  
野正行擊破之

十二月執事高武藏守師直越後守師泰奉尊氏命率  
四國中國東海東山二十餘國軍勢擊正行

同五年正月師直與正行大戰於四條繩手正行力戰  
破之師直屢退殆死時正行中箭而死師直進到吉野  
南帝奔賀各生師泰到河內攻楠正儀屯於石河河原  
師直歸京

尊氏直義詣八幡社

師直師泰奢侈與上杉重能自山直宗有隙重能直宗  
與天龍寺僧妙吉相謀訴彼奢惡於直義

尊氏長庶子直冬為西國探題直義欲討師直故推  
六月尊氏構搆數於四條河原觀田樂直義諫之尊氏

曰天下事既以附汝我以盤樂為業而已遂往焉

八月直義欲誅師直察之即以大軍攻三條殿  
直義也直義入尊氏館師直師泰圍御所於是直義辭執

政以重能直宗處流罪師直解圍而去使人誅妙吉其  
後師直遣兵於配所而殺重能直宗

十月義詮自鎌倉上洛代直義聽政師直專權

十二月直義剃髮号惠源

觀應元年直冬起兵於筑紫中國人多應焉六月師泰  
率兵赴石見國十月師直奉尊氏赴筑紫義詮守京師  
惠源出京降參吉野為南帝大將

同二年正月惠源欲攻京陣於八幡桃井直常應惠源



之招自越中登比叡山以窺洛中義詮出奔直常入洛  
尊氏師直歸京與直常合戰直常敗走京軍多降惠  
源者

尊氏赴西國使義詮往丹波

二月師泰白石見漏會尊氏及師直於播州書寫山於  
攝州處之與惠源諸將相戰屢敗尊氏師直狼狽入松  
岡城而欲自殺會有和睦之儀尊氏義詮惠源各入洛  
師直師泰剃髮從焉路次於武庫川邊師直師泰伏誅  
其一族從者皆被殺

七月尊氏惠源不和惠源赴越中九月尊氏發向江州  
惠源經北陸赴鎌倉十月尊氏東行使義詮守京師十  
一月尊氏陣於駿州薩埴山惠源到伊豆國守使關東

軍兵圍之

十二月宇都宮公細藥師寺公義等應尊氏發下野自  
後面來攻之尊氏下薩埴山奮擊之關東兵敗走惠源  
降參

文和元年正月尊氏入鎌倉二月鳩殺惠源

義詮愁京都少兵詐與南帝和睦南帝亦詐許之到八  
幡閏二月南方軍兵楠正儀等俄襲京師細川賴春討  
死義詮奔江州崇光院及光嚴光明兩上皇遷幸吉  
野

新田義宗義貞與脇屋義治起兵於上野向鎌倉與尊氏  
戰於武藏野尊氏敗走殆危義宗等戰疲歸去仁木賴  
章義長等襲義貞與義治而破之

義與義治潛兵入鎌倉基氏敗奔基氏者尊氏二男時  
義宗陣於笛吹峠尊氏進兵攻之義宗戰敗走越後  
三月尊氏入鎌倉義與義治引兵保河村城尊氏使兵  
攻之

三月義詮自江州上洛攻入幡合戰  
五月南帝避入幡歸吉野  
八月義詮立後光嚴院為帝

山名師氏叛義詮出京赴伯耆勸其父時氏起兵降南  
帝

同二年六月時氏師氏發伯州與南方將楠正儀和田  
正武等亂入京師義詮戰敗而奉帝奔江州敵兵急接  
佐々木秀綱討死道譽細川清氏負帝而行既而義詮

等到濃州時氏欲攻濃州不成引兵歸伯州義詮歸京  
三年春義與義治出河村城逃亡尊氏使基氏為關東  
管領以畠山國清道法名為之傳基氏自是不敢安居于

州入間河數年平不順者遂使關東靜謐  
尊氏自鎌倉歸京以仁木左京大夫賴章補執事職使  
義詮赴播磨將攻伯州時氏迎直冬以為主將再議起

軍越前守護足利高經越中守護桃井直常應焉與時  
氏約期欲攻京十二月山名父子發伯州  
同四年正月尊氏奉帝赴江州武佐寺直冬等入洛

二月尊氏催軍勢陣於東坂本義詮陣於山崎神南山  
名父子向神南與義詮合戰細川賴之赤松則祐佐々  
木道譽戰功山名敗走師氏蒙疵尊氏與直冬於洛

中東寺等處々屢戰互有勝負三月直冬時氏高經直  
常戰疲糧盡各歸國於是洛中靜謐

公家表微武士驕奢

延文元年八月斯波直持為出與州管領其弟兼賴為出

羽國司居最上山形城同三年二月贈直義從二位

四月廿九日征夷大將軍正二位前權大納言尊氏薨

於京都歲五十四葬於衣笠山麓号等持院法名妙義道號

仁山基氏建善提所於鎌倉長壽寺六月贈從一位左大臣日跡左

中弁忠光為勅使

康正三年四月贈天政大臣

執事 高師直

仁木賴章

童名平壽王

母從二位平登子 赤橋武藏守久時女相模守守時

妹

後醍醐天皇元德二年誕生於鎌倉

元弘三年四月尊氏自鎌倉上洛之時欲携義詮同行

然因高時之命而拘留之於鎌倉 五月聞尊氏揚兵

於京都而潛出大藏谷カヲ避高時之譴責也及義貞討高

時而家臣紀五郎左衛門奉義詮往會焉軍罷以後歸

居大藏谷東國武士聞尊氏威風而多テ法義貞屬義詮

者時僅四歲

建武二年四月叙從五位下

尊氏京都西國經歷多事之間留守鎌倉管領東國  
康永三年三月叙正五位下任左馬頭

貞和二年四月叙從四位下

同五年十月上洛預政務

觀應元年八月任參議兼左近衛中將

延文元年八月叙從三位

同三年四月相續尊氏遺跡先是義詮事跡詳見尊氏譜中

十月基氏遣竹澤氏江戶氏誘殺新田義興於武州矢

口渡

十二月義詮任征夷大將軍日躰左中弁時光為勅使

同四年二月兼武藏守

義詮探題下色直氏及弟範光為菊池武光被逐歸洛

七月菊池武光於班紫與少貳大友等合戰大破之

初自建武以來菊池武重及子武光居肥後國從南

帝之命不敢屬武家屢攻擊邊境其威震於九州

十月仁木賴章死以細川清氏為執事

十一月島山道誓為基氏各代率關東軍勢上洛謁義

詮議攻南帝

十二月南方發向義詮向大毛陣於尾崎道誓向關毛

陣於津々山楠正儀和田正武防之

同五年四月諸將與南方兵合戰於龍門山銀嵩龍泉

平岩等處五月攻落赤坂城既而義詮率諸軍歸洛

七月道誓惡仁木義長而與清氏等相議欲殺之義長

馳到幕府劫義詮賜道誓清氏等追討御教書義長居

執事職佐々木道譽密導義詮出幕府而赴谷堂於是  
義長出奔伊勢遂降南方義詮遣土岐賴康佐々木崇  
永攻之南与軍兵蜂起道誓耻無其功而歸鎌倉自是  
不悅道誓死  
謀叛遂憂死

康安元年七月山名時氏師氏與赤松氏合戰消義作  
諸城

停赤松光範攝津國守護以佐々木秀詮道譽孫代之

九月楠正儀等攻攝州擊殺秀詮

佐々木道譽密告細川清氏有叛心義詮疑之清氏去

京赴若州示無歸心十月遣尾張左衛門佐氏賴等擊

清氏々々發自小濱城逆戰破之家臣頓官氏守城降

參不納清氏々々乃到南方南帝賜大將之印

十二月三日清氏正儀攻入京師義詮奉後光嚴帝赴

江州二十六日清氏等歸南方二十九日義詮歸洛

貞治元年正月清氏赴四國

義詮擇可為執事職者左右皆曰尾張左衛門佐氏賴

者修理大夫入道道朝子而佐々木道譽カキ塔也宜居此

職義詮欲許之道朝不肯之推舉其幼子治部大輔義

將以為執事年少故道朝行政務氏賴剃髮初足利高

平又於修理大夫剃髮是道朝先是屬直義並冬冬懸

能尊氏義詮以有悔心故復歸京都奉仕義詮高經以

斯波為於身又於尾張其

子孫任兵衛故世於武衛

六月直冬時氏出張中國桃井直常參自信州入越中  
七月細川右馬頭賴之於讚岐國與清氏合戰清氏討  
死四國悉屬賴之

九月斯波氏經

道朝子

奉義詮命為九州探題到者豐後

大友氏時館菊池武光率兵攻之氏經敗走剃髮以謝

之

楠正儀等出張攝州燒賴之兵糧船道朝遣兵擊之正

儀濕河内

同二年正月義詮任權大納言

七月叙從二位

同三年春大内亦降參上洛拜謁

山名時氏降參義詮以因幡伯耆丹波丹後義作五ヶ

國守護職授之

仁木義長降參

細川頼之遣使招楠正儀秦仕幕府正儀不從

六月基氏以上杉民部大輔憲顯為鎌倉執事自是憲顯

相繼為鎌倉執事

同四年二月義詮移徙三條坊門御亭五月因母服忌

解官八月除服宣下

佐々木道譽與諸大名相共譏道朝々々出京逃到越

前乃使兵攻之

同五年七月道朝於越前死去其子義將降參九月命

義將擊桃井直常到越中會直常病死於是北國無事

以義將為越中守護

高麗人來朝著岸出雲遂赴洛不納之於洛中使居天

龍寺其牒狀謂近年倭人侵奪彼地云義詮謂是九州

海賊之所為也所不及加刑討也故不贈返簡賜鞍馬

十匹鎧二領白太刀三浪綾十段絲絹百段扇子三百  
本於使者

同六年正月叙正二位

三月二十九日中殿御會以花多春友為題関白藤良

基二條作序義詮參内詠倭歌侍御遊宴

四月鎌倉管領左馬頭基氏卒以幼子氏滿附上杉憲

顯訃聞京師義詮使氏滿續遺跡為関東管領基氏時

或云三十一  
号瑞泉寺

九月義詮有病召細川右馬頭頼之以補執事職任武

藏守託以後事

十二月七日征夷大將軍正二位權大納言義詮薨三年

十律於衣在山麓号寶應院法名道惟道号瑞山  
彌日贈左大臣從一位

執事 細川清氏

斯波義將

義滿

治世四十一年

童名春王

母從一位紀良子 石清水善法寺通清法印女

養母從一位源幸子 涉川刑部大輔義季女

延文三年八月廿二日誕聖於京都

康安元年十二月清氏正儀陪京師時左右奉抱之夜

投東山僧良芳号蘭匿于衣被之中五日良芳與赤松

則祐善故扶載方世便輿馳到播州白旗城則祐奉迎之時

僅四歲明年歸洛道中愛兵庫琵琶塚之佳境謂從者曰汝等宜昇此地輸來於京云衆奇其大言

貞治五年十二月叙從五位下被行小除曰御名字被深宸筆関白藤良基傳進之

同六年十一月義詮卿不例奏聞以繁務事讓義滿十以細川頼之為執事

十二月叙正五位下任左馬頭禁制條々禁誇奢用儉約

頼之輔佐幼君以天下為己任退後臣而進正人且使有文才者侍左右從容匡導之為敬老納諫之媒又撰

法師六人蒙異躰衣著袴橫帶大小刀似俳優者為日侯坊又曰輩方徐某阿徐諱詔後媚妄言詭傲非御

中屢為諸大名毒被玩侮以為笑是欲使義滿疾後者也故謂諸士為謔後者呼曰待童坊人皆耻之於是頼

之作制法示諸士又沙汰領地訴論之事以尊氏直義義詮判形之謚文返與本主如師直等所私出狀則深

收之其餘政道能糾彈理非世以穆良傳頼之密以善言諷義滿於諸大名出座之時使言之故雖幼君皆無不畏伏

應安元年二月諸山長老入院沙汰僧中津妙佐赴大明中津号絶海妙佐号汝霖

四月御元服頼之為加冠六月禁裡仙洞殿下并神領寺領條々沙汰停止武士

盤妨



賴之為御名代參詣石清水奉獻銀鈿沙金神馬

十月五山十刹住院年紀沙汰先是不月退院者住六

十二月補征夷大將軍分諸士自一至五番日夜相替

再

同二年延曆寺捧狀請破却南禪寺賴之不決之南禪

寺僧妙葩與賴之有間故出寺蟄居於丹州妙葩道号春屋号普

明國師

同三年賴之督諸軍發向南方攻河州拔數城楠正儀

不能出戰籠城以拒之賴之留山名氏清守河州而歸

京氏清與楠氏相持合戰

八月東福寺背法制故欲削五山之籍然因寺僧之請

而元布施入道昌濟奉行之

同四年三月賴之閑居於丹波山國邑義滿時年十四

是年關西親王良懷良懷將軍官初菊池氏遣使於大明

國

同五年九月以万壽寺為五山之列去貞治二年雖被

行之間重

十一月廿二日御判始同廿七日御受衣夢窓国師并塔法名道義

道号天山

是年今川伊豫守貞世法名了俊下向九州

同六年夏大明使僧來告曰我王嘗三回聘使輸書於

日本持明帝持明帝指然悉阻於關西親王而遂不得

通故今使臣僧復來將軍家驚怖之

同十月關東五山住持職者自京都可被定之其餘可

為關東沙汰云

十一月任參議兼左近衛中將叙從四位下於是去左馬頭授鎌倉管領氏滿

十二月召賴之歸京預政事有九州發向之評議催群國之兵遣使於鎌倉召上杉彈正少弼朝房為京都警

固使仁木義尹赴勢州歷國司北畠被山名氏清指和田楠使武田小笠原攻伊豫國金谷武市村上等其餘

東限伊豆北限越後而諸國之軍勢皆可向九州云同七年三月將軍家發京師赴九州賴之及斯波義將

畠山義深土岐佐々木赤松今川荒川以下從兵十萬餘人四月到安藝先陣於長門與菊池武政合戰九州

人多皆菊池者菊池奉關西親王引兵歸太宰府將軍家則豐前菊池退陣於筑後高良山將軍家進營太宰府並開先鋒者與菊池屢戰互有勝負

九月菊池乞降和平事成菊池歸肥後國於是日向賜伊東氏筑前肥前授少貳長門豐前昇大内介義弘

豐後與大友  
十月將軍家歸洛

十一月上杉朝房歸鎌倉今茲九州凱旋以後天下悉從將軍諸國太名在京伺

候王城繁榮時義滿十七歲永和元年三月石清水御社參拜札奉幣獻銀劔砂金

神馬  
四月初參内

十月御襖十一月太嘗會自武家被申沙汰之四年以前融院即位公家陵廢故延引二条前関白良基公作記云、良基与義滿相睦故相談公家武家之事將軍家叙從三位

二年正月僧中津妙佐共帰自大明津在大明見太祖皇帝應制賦詩太祖賜和章既而告暇帰朝

三年朝鮮國使者鄭夢周來聘到筵紫遇探題今川了

俊而帰國

四年三月移徙花亭号室町殿其館内多雜落花故時人号花御所

任權大納言

八月兼右近衛大將

康曆元年正月為馬寮御監

二月御筵始

四月鎌倉氏満密有窺京師之心上杉憲春諫死

閏月頼之赴四國為伊豫讃岐阿波土佐四州之惣轄

以斯波義將代頼之改執事号管領

六月花亭寢殿立柱上棟

僧妙葩住南禪寺

七月拜賀

同二年正月妙葩蒙國師之号任天下僧録司僧録司号源於此

叙從一位 御直衣并細代始

十二月御著陣并一位拜賀

是歲建鹿苑院至永德三年九月親書

定平利次第

永德元年正月御參太將役 三月行幸四月補家司

七月任内大臣大將太饗 八月御直衣始

和歌御會始 十二月御著陣

同二年正月朔日御參小朝拜 先是數年合戰之間德

山名氏清於河内擊破南方軍正儀死其子正勝為氏

清被破而赤坂城陷氏清攻和用破之取泉成氏

將軍家轉任左大臣右大臣

閏正月御拜賀著陣 捕藏人所別賞

三月聽牛車

後小松院前開白良基二條

將軍家為院別當 同三年正月踏歌節會 將軍家為内辨

為非學淳和内院別當氏長者

六月准三后宣下 時年廿六

十月行幸

是歲創相國寺以僧妙葩為開山葩姓之推其師夢窓

國師為之始祖而以第二世視事既而葩讓寺事於僧

明應

至德元年三月上表辭太將

同二年八月春日御參詣

今秋細川賴之入道常久道号在四國召僧中津為阿

波寶冠寺開山今冬將軍家命常久使

同三年七月賜公帖於僧周信另義以南禪寺座位五山之止

八月以天龍寺座位為五山第一賜公帖於僧周佐德

嘉慶元年正月天皇元服奉理髮之役比之於霍光輔

昭帝故事

同二年五月辭左大臣

是年山名氏清與楠正勝合戰於平尾

將軍家遊紀州濱又赴富士

康應元年九月高躰御參詣

明德元年山名官內少輔時熱同右馬頭氏幸有背武

山名陸奥守氏清同播摩守滿幸擊之時熱氏幸

細川常久發四國到中國平逆乱者同二年常久上洛

將軍家使大館氏信告常久曰以政道委汝云以常久

予賴元代斯波義將為管領或曰常久再任管領賴元賞常久弟也常久養之

手為

時熙氏幸間行上洛潛居清水寺謝罪

十月山名氏清請曰將軍家可見宇治邊紅葉即許諾

將軍家謂與氏清相議可赦時熙氏幸罪故期以十一

日氏清喜乃自和泉到淀邊十日滿幸赴淀見氏清密

語時熙等御免事氏清不喜即病不食于宇治使家

人謝於將軍家將軍家不務而還御

十一月滿幸依押領仙洞御領之罪被停出雲守

不被置於洛中遣于丹波滿幸赴和泉勸氏清謀叛

清從之相共約攻京之期自而滿幸歸丹波

赦時熙氏幸之罪本領察堵

氏清獻誓紙示無異心故洛中不設武備

十二月十九日丹後國古山滿藤代官白滿幸謀叛河

內國守護代遊佐河內守白氏清謀叛

丹三日山名中務大輔氏冬出京奔八幡洛中騷動

丹四日遣御書於紀伊國守護山名修理大夫義理論

之義理不從義理者

丹五日召常父及細川頼元畠山基國今川泰範一色

詮範斯波義重大内義弘佐々木高明赤松義則等討

是日不被若背長家僕御退治之故也

廿九日氏清陣於淀邊滿幸陣于谷堂跡日氏清先鋒

山名上総介義數小林修理亮進到大官大内義弘力

戰擊殺上総介修理亮滿幸競來於内跡戸當久畠

山基國擊破之滿幸敗走

氏清入京師與義弘赤松義則山名時熙等大戰氏

清乘勝於是將軍家進旗使一色詮範斯波義重為先

鋒氏清奮擊遂敗詮範與其子滿範斬氏清得其首氏清

時年四其黨或討死或剃髮逃藏滿幸遁世亡跡

同三年正月四日分山名舊領加賜群士授山城于畠

山基國丹波于細川頼元丹後于一色滿範義作于

松義則和泉紀伊于大内義弘出雲隱岐于佐々木  
明但馬于山名時熙伯耆于山名氏幸又賜若狹今富  
庄于一色詮範

二月遣義弘等赴紀伊攻義理々々去城剃髮山名氏  
冬降参

前管領武藏守細川頼之入道常久卒年六十四葬于

嵯峨將軍家悼惜之枉駕送之

島山義深入道基因在河内與楠正勝合戰遂拔千劍

破城正勝漂泊於十津河其弟正元潛入京欲狙擊將

軍家發覺被殺四月廿五日沙汰公家武家并諸寺社

事以純賞罰

八月依養母服解官 八月除服

相國寺供養被准於御齋會梨本青蓮院等門跡出座

公卿殿上人扈從御家人供奉行列住持明應為導師

五山十刹皆出仕

閏十月大内義弘運謀諭南帝調和睦之議返送三種

神器於京都

十二月還在左大臣

朝鮮使者來請修隣好將軍家許之命僧中津作書答

之

設法華万部會於内野以用氏清等

同四年正月還在御拜賀

四月後圓融院崩葬泉涌寺群臣供奉如例將軍家亦

被送之

夏中召僧中津於花御所每日講禪嚴

八月兵杖宣下

御參放生會

九月薨左大臣

太神宮參詣

斯波義將再任管領代細川頼元

應永元年九月日吉參詣

相國寺煇將軍家自到鹿苑院而守之僧中津自此等

持來謁

十一月再建相國寺

十二月薨征夷大將軍讓於長子義持

任太政大臣兵杖宣下世傳義滿請任相國朝廷未許  
為清花以廢朝廷於是大驚有勅許云云

同二年正月拜賀白馬節會為肉辨

二月直衣始

四月行幸

六月三日薨太政大臣廿日御落飾特年三十八

七月參内

九月入東大寺受戒

是年山名播摩守滿幸伏誅

同三年九月登比叡山被准御幸山門講堂供養受圓

頓戒品

是年取鎌倉圓覺寺佛牙舍利氏滿不克拒焉

今川了俊歸自九州



同四年四月御移徙於北山新造別業其壯麗鏤黃金  
鹿苑寺是也讓室町亭於義持雖謝万務而事無大小  
俗謂之金閣皆決於北山殿

春日參詣為晴儀

八月被立遣唐使

是年小貳菊池千葉大村在莚紫披野心命大内義弘  
平之

同五年三月二条関白師嗣子權大納言道忠受前大  
樹之諱字改名滿基師嗣者良基子也良基與義滿相  
親故如此自是以後二条殿累世

與柳管雖而受  
諱字以為家例

六月於鹿苑院慶贊三重寶塔

八月朝鮮使者朴致之來聘大内義弘接待之前大内  
賜書於義弘以諭朝鮮

十一月鎌倉管領氏滿卒安寺子滿兼嗣

以畠山基國為管領自是以後斯波細川畠山相代管  
領俗謂之三管領又山名十色京  
極赤松謂  
之四職

同六年九月相國寺七重大塔供養塔之高三百六十  
尺

十月大内左京權大夫義弘入道有繫挾邪心與關東  
通密謀率筑紫中國之兵著和泉堀遣使者召之不至  
於是遣僧中津諭之不從

十一月前太樹自督諸軍到東寺進陣于八幡使管領  
畠山基國前管領斯波義將細川頼元等赴泉州義弘  
構城築矢倉并機以防之土歧宮内少輔詮直應義

弘籠義濃長森城使土岐義濃守頼益攻之山名氏  
清之子某亦謀叛於丹波京極五郎左衛門亦構虐於  
近江各使兵攻之

十二月廿一日諸軍攻泉塚城燒之義弘力戰揮長刀  
馳入基國陣與尾張守滿家基國相擊義弘遂死義弘  
子大内新介降參是日泉塚人家一方間焦土十九  
同七年三月足利直冬卒初義詮之時屢雖侵中國而  
義滿治世之初降參置之於  
石見

同八年二月内裏炎上遷幸于北山殿

五月有日吉大宮社八講北山殿及室町御所義赴等  
青蓮院門跡并公卿來會

北山殿贈書於大明皇帝寄黃金千兩及若干器參義  
菅原秀長莫之前官内卿藤原行俊清書之

同九年二月大明建文帝寄書其書曰日本國王源道  
義云

八月遊兵庫

九月於北山殿對面大明使僧道彝僧一如贈錦綺且  
寄天統曆是日洛中路次警衛

同十年十一月大明成祖贈書告其即位

同十一年五月大明使者來於北山殿對面

同十二年斯波義重任管領

同十五年三月四日前太樹愛子義嗣義持弟叙爵八白  
行幸于北山殿関白以下扈從前太樹着法服持數珠  
携義嗣出於四足門下奉迎之經營盡義有絲竹御遊

是日義持不往會廿三日有倭歌御會以花契<sup>上</sup>五年為  
題其座次御製其次沙門道義次源義嗣次閑白藤原  
經嗣已下大臣公卿云廿四日義嗣任左馬頭叙正五  
位下廿八日叙從四位下廿九日任左近衛中將<sup>世傳</sup>  
欲廢義持立義嗣故催行幸  
以義嗣為之主使揚義名  
四月廿五日義嗣元服任參議叙從三位中將如元年  
時

五月六日前征夷大將軍太政大臣從一位准三宮義  
滿薨於北山亭<sup>年五十一</sup>号鹿苑院天皇廢朝數月勅使來  
用九日被贈太上天皇之號義持辭之<sup>叢林家說云天</sup>  
十二月大明成祖皇帝贈書於義持弔慰之且作祭文  
而謚道義曰恭獻王

督領 細川賴之

斯波義將

細川賴元

畠山基國

斯波義重

義持 治世二十一年

母贈從一位藤慶子 三寶院坊官安藝法眼女<sup>号勝</sup>

准母從一位藤業子 日野大納言藤時光卿女

至德三年二月十二日誕生

應永元年十二月十七日元服叙正五位下任左近衛

中將聽禁色昇殿補征夷大將軍廿五日參內<sup>時九歲</sup>

同二年六月叙從四位下

同三年正月兼義作守

四月叙正四位下

九月任參議左中將如元

十月御讀書始

同四年正月叙從三位

三月任權中納言

四月義滿讓室町館於義持

同五年正月叙正三位

同六年六月御受衣

絶海国師弟子法名道詮道房蹟山但不剃髮

同七年正月叙從二位

十二月御判始時十五歲

同八年三月任權大納言

同九年正月叙正二位

八月御筮始 十一月叙從一位造内裏官

同十年三月石清水御參詣始

同十三年八月兼右近衛大將時年九一

同十四年正月馬寮御監宣下

七月御拜賀

同十五年五月因父服解官六月復任

八月除服

十一月沙汰諸國關所事

管領斯波右兵衛督義重加判形使飯尾入道堂廉奉行

是年南蛮貢黑象鸚鵡

同十六年三月朝鮮聘使來

六月將軍家參詣石清水奉納砂金銀劔神馬拜禮奉幣

大神宮參詣

命前管領斯波義將法名道將贈返書於朝鮮執政者以諭

先君即世新君嗣立而隣好不渝也此度道將私求大藏經於朝鮮

七月任内大臣大將如元

鑊倉管領滿兼卒子勝子持氏嗣

十月自北山亭移居三條坊門亭

十一月御參籠於石清水二十七日有舞樂

是年斯波義淳代其父義重任管領

同十七年四月高郵御參詣

賜白藤滿基二条子基教改名持基因先例而贈將軍家諱字

六月石清水御參籠有神樂

畠山滿家任管領

十一月將軍家八幡宮社參公卿雲客供奉

同十八年九月使源高負討飛彈國司參議藤原尹纒

燒飛州小鳴城

十一月拜賀

是年將軍家過僧仁清庵室赤松越後守從之時僧宗

純号二初謁御前

同十九年五月辭大將為院執事

八月兵仗宣下御參放生會

十月補淳和并學兩院別當源氏長者

十一月院司御拜賀

細川滯元為管領頼元子

同元年六月八幡社參詣公卿雲容供奉諸大名不  
及供奉

同元年七月吉日參詣

八月奈良御參詣御臺所同冠焉廣橋大納言兼宣裏

松頭左中辨義資飛鳥井中將雅清勸修寺右中辨經

與廣橋廷尉佐宣光及管領等供奉有猿樂田樂 九

月還御

八幡參詣

同元三年九月春日參詣

十月從二位權大納言源義嗣薨髮

鎌倉執事上杉右衛門佐氏憲入道禪秀遂其主持氏  
立持仲弟持氏戰敗出奔駿州既而持氏起兵復入

鎌倉禪秀伏誅持仲自害

同二十五年正月義嗣卒年二十五法名道純号  
圓修院又稱林光院

五月前大納言源滿詮卒弟義滿贈左大臣

同二十六年七月大明使者來

九月辭内大臣

同二十七年七月御成敗條々松田入道常昌奉行

八月遊嵯峨乘舟直詣八幡

九月將軍家不例使近習者三十三人詣伊勢又奉幣

于諸社行太山府君之祭醫師高天被禁獄與俊經朝

臣同配流于讚岐國又捕陰陽助定棟是皆依海兒咀

將軍家之風聞也廣橋大納言兼宣裏松參議義資日

跡參議有光勸修寺左中辨經典等赴室町殿無文被  
追籠

十一月於室町殿行七佛藥師法公卿殿上人者座帶  
釵取布施時猶不徹釵依為御所中也寺堂佛事之持則不帶釵

同北八年島山滿家再任管領

同北九年正月渡御青蓮院義圓僧正之坊

四月院參有猿樂

五月修鹿苑院殿年忌於等持寺有御八講關白藤滿  
教及公卿雲客來會

渡御於土岐持益宅還御之時院參

渡御於日野一品有光亭

九月後小松上皇八幡參詣將軍山本惠從

十一月將軍家詣八幡還御之後妙法院等諸門跡關

白大臣以下到室町殿而賀之獻太刀每日渡御下

實相院直院參又俄入御于近衛殿

十二月將軍家使廷臣十三人各詠十一題之倭歌題

首於勸修寺宅清書之使耕雲各明批点之

修寶篋院殿年忌於等持寺有御八講公卿著座殿上

人參向南都北嶺僧徒出座

同三十年二月讓征夷大將軍於義量

四月薙髮

七月朝鮮國王使僧來贈大藏經作返簡以謝之僧周

噩撰之其後又遣書求其材板朝鮮斬固之周噩道

同三十四年十月赤松滿祐放火其宅赴幡州使細川

持元山名滿熙擊之赤松越後守持貞依諸大名一揆  
 而自害滿祐免罪初赤松圓心三子載資十二月掃落  
軍功則祐最尊氏以播磨因備前播磨義作五ヶ  
且賜三人則祐長子曰義則長子曰滿祐相繼領  
播磨貞範子以顯則長子曰滿貞子曰伊豆  
守貞村是嫡流也持貞者顯則第七子也雖為庶流因  
將軍家之愛幸故領三ヶ國而驕奢無礼滿祐遂與諸  
大名相謀敷訴不止將軍家使持貞自裁而赦滿祐  
 正長元年正月十八日前征夷大將軍從一位内大臣  
 義持薨年四十三号勝定院 廿二日贈太政大臣

管領

斯波義重

斯波義淳

畠山滿家

細川清元

義員

在職三年在義持治世之中

母從一位藤原榮子 烏丸從一位權大納言藤資康

女

應永十四年誕生

同二十四年十二月朔日元服年十加冠父義持

同日叙正五位下任右近衛中將聽禁色宣下

同月十三日昇殿今日初參内院參同日讀書始

同三十年三月任征夷大將軍

同三十一年正月叙從四位下

十月任參議

同三十二年正月叙正四位下

二月二十七日薨年廿九号長得院法名道基



康正三年二月贈左大臣從一位

義教 治世十四年

母同義持

應永元年六月十三日誕生

初入青蓮院門跡之室剃髮号義圓與南禪寺僧景南

友善其後為門主任大僧正蒙准右宣旨

同三十六年十一月為天台座主

正長元年正月十七日管領畠山滿家參詣石清水於

社頭取御闈而以義圓定為柳營之繼嗣翌日前將軍

義持薨

三月十二日還俗号義宣於是置陣座宣下叙從五位

下行小除日任左馬頭 時年三十五

四月御判非評定御乘馬等始

叙從四位下

十月掛壁書於管領宅曰訴論之人遣奉書之後不遇

十日日出可陣子細過此日限者不可及沙汰

崇權門吹舉

斯波義淳再任管領

永享元年三月九日元服加冠畠山尾張守持國理髮

間波守義慶

禁色宣下

十五日任參議兼左近衛中將補征夷大將軍改名義教

二十三日参内院参

二十九日任權大綱言叙從三位

四月御判始 公家様之御判也

八月石清水参詣 兼右近衛大將

定出仕者并奉行人之規式

諸國關所沙汰

移筑紫富家四人於洛 與師直次其一也

九月日吉参詣

春日参詣

十二月叙從二位

御受衣 絶海國師拜塔法各道

二月詔入 大書皆載于目錄奉行入加判形以日限

第<sub>レ</sub>可<sub>レ</sub>窺<sub>レ</sub>之<sub>レ</sub> 天

七月御拜賀

十月叙從一位有拜賀

十一月直衣始

同三年二月太神宮御参詣

四月重御受衣 夢窓因師拜塔改道興為道

高野参詣

十二月移徙於室町亭

同四年三月以水笠原政康為御弓師範

六月任大臣兼宣旨御参内

七月任内大臣 大將 有大譽

八月御判始公家議

御直衣始

轉在左大臣大將如元

九月十日為見富士山發京都十七日到駿州藤枝

鬼岩寺國主今川範政奉迎十八日登高亭御覽富士

贈御詠於範政々々獻返歌飛鳥井權中納言雅世三

條宰相實雅常光院法印堯孝及細川下野守持春同

右馬頭持賢山名嬾真居士同中務太輔熙貴一色左

京大夫持信等供奉各有倭歌又遊清見関有御詠還

御之時於遠州潮見坂有御詠

十二月拜賀

補殿上并院別當

補殿上并院別當又補淳和并學兩院別當為源氏長

者讓牛車

是年細川持之任管領滿元子持元弟

朝鮮人來

贈書於大明國僧得岩書之得岩道号惟尚

同五年正月後花園帝御元服將軍家理髮二條備前

藤持基加冠

三月倭歌御會始

四月廿一日將軍家親筆應神天皇繪緣起詞三卷神

功皇后二卷以被寄進於河内國譽田宮

六月大明宣宗皇帝寄書其詞云日本國王源義教云

七月御筵始

八月上表拜大将

同六年五月唐船來朝

同七年八月日吉神輿動座使兵攻之

同八年六月遣唐使歸朝

八月將軍家遊相國寺僧周鳳芳瑞謁見以鳳捕景德

寺住持賜公帖於明年移住

同九年三月八幡御參詣

十月二十六日行幸供奉大臣公卿飾花鑲金銀

兵杖宣下

同十年八月御參放生會

九月拜左大臣

初義量早世義持無繼嗣欲以鑲倉管領持氏為猶子

未果義持薨及義教之立也持氏不喜故有背京之心

先是基氏沒後氏滿滿兼持氏皆來京都元服而持氏

長子賢王元服之時持氏曰我子於天下無可為元服

之父者在義家佳例於八幡宮可使加冠乃携賢王赴

鶴岡行冠札号義久上杉安房守憲實屢諫之不聽因

是持氏惡憲實令々白鑲倉山内退居於上野白井而

馳使于京都訴於將軍家將軍家奏遣綸旨并御教書

于諸國催軍勢

同十一年正月小笠原信濃守政康今川上總介範忠

子并武田太郎信重朝倉小太郎教景等諸國軍勢

奉將軍家之命發向關東攻鑲倉上杉憲實帥師會焉

東國兵皆背持氏

二月十日持氏戰敗入永安寺自害義久於報國寺自  
害鎌倉兵火持氏幼子春王安王逃於下野日光山政  
康等進追之結城七郎氏朝到日光山迎春王安王猶  
籠於結城城政康憲實等京都鎌倉軍勢悉圍結城城  
日夜攻之

是度僧周鳳為使節鎌倉下向

七月朝鮮使者高得宗尹仁甫來聘

同十二年五月和州陣誅一色并世保等

十月近衛左大臣房嗣子教基元服將軍家加冠賜諱

字

十一月八幡參詣

是年結城戰傷城中奇手合戰不止流東下野守益之

於防國

益之法名素明家世唯應永之間益之  
與飛鳥并雅世卿今川了俊常光院堯仁及  
在淨信正徹僧善說等相交皆以倭歌有名於世  
云云益之有子曰常縁又任下野守能傳倭歌

嘉吉元年三月八幡參詣

四月諸軍急圍結城城中有火城遂陷氏朝及子持

朝戰死凡被殺戮者一万余人春王安王遭虜政康及

長尾因幡守護送之上洛到美濃國垂井道場將軍家

使殺春王安王云持氏季子永壽王出奔信濃氏朝季

子成朝出奔常陸其後永壽王元服號成氏關東諸士  
又迎之為鎌倉主既而為上杉所逐

而整居于河上杉遂管領關東

六月將軍家分赤松滿祐所領備前備後備前備後備赤

松伊豆守貞村實削其地而滅彼勢也味果滿祐子教

祐聞之密語於滿祐不深恨之二十四日滿祐請

待將軍家將軍家入御彼亭御覽猿樂酒酣時滿祐放  
厩馬因噪閉門伏兵忽發滿祐自屏後出弒將軍家時  
四十座中驚遽相擊不知所為也死者多矣大内持世  
逾垣而出滿祐教祐出奔于幡磨

廿九日贈太政大臣号普廣院

管領 高山滿家

斯波義享

細川持之

義勝

治世三年

母從一位藤重子 裏松贈左大臣藤重光女

永享六年二月九日誕生

嘉吉元年六月二十四日先考暴薨於赤松滿祐亭

領細川右京大夫持之及大内持世等定策奉義勝為

主君時僅三使細川讚岐守持常赤松伊豆守貞村武田

大膳大夫信賢為大手大將山名右衛門督持豐法名宗全

同修理大夫教清同相模守教之為搦手大將發向播

州攻白幡城戰於蟹坂細川持常素與滿祐相善故進

為先鋒不納他人之兵於國中

八月奏賜綸旨命播州寄手追討滿祐

義勝叙從五位下御名字任貞治例自一條関白持基

被定申之

九月行德政救貧民禪僧慧風作德政論

山名持豐及修理大夫相摸守自搦手過大山乱入

播州急圍滿祐城遂陷十日滿祐自殺教祐逐電

梟滿祐首於獄門

賜播磨於持豐美作於修理大夫備前於相模守

十一月評定始

太宰少貳嘉賴不應滿祐追討之催促故使大内持世  
攻之嘉賴戰敗避筑前奔肥前持世領少貳舊地嘉賴  
欲復國再起兵持世擊破之嘉賴赴對馬

同二年二月御讀書始并御手習始

同八月四日管領細川持之卒畠山左衛門督持國入  
道德本任管領廿四日德本出仕乘綱代與騎馬十  
人二行從焉即有評定始諸奉行人者直垂大口而出

十月義勝欲元服請加冠於二條關白持基六六來謝  
焉傳奏以下參賀

一條前攝政兼左近衛左大臣房嗣相共競望執柄當  
職皆遣使者相談管領德本以求之

十一月七日義勝元服於室町殿被用公家儀追勝定  
院殿例也勅使藏入右中弁俊秀來贈賜御冠御直衣  
等理髮三條中將公細加冠關白持基月卿雲客出座  
叙正五位下兼左近衛中將補征夷大將軍禁色昇殿  
宣下

十三日將軍家御寫始諸大名近習衆獻太刀

十二月將軍家誦了孝經此次奉授太学賜御馬御太  
刀於太外記清原業忠

同三年正月叙從四位下

五月朝鮮人來朝將到兵庫時德本謂朝鮮人託事於  
貢職然實為商賈也且將軍家尚幼稚諸大名國役之  
費勞為無益也不可入於京都云云彼國使者言為奉吊  
普廣院殿來朝不敢為商賈來也於是使入都

六月朝鮮人入京館之於雙林寺傍景雲庵斯波千代  
德監供給事而下行之

十九日朝鮮人參室町殿謁將軍家其路次作樂或吹  
笛或擊鼓或打鉦鼓或彈琵琶凡馬上者五十騎也

廿四日普廣院殿第三回忌也將軍家渡御於普廣院  
燒香於等持寺有御八講月卿雲客出座為禁中御沙  
大於泉涌寺有御追善

七月廿一日征夷大將軍左近衛中將源義勝早世義勝  
自幼能騎至是歲馬而大時十歲故東  
山僧龍派並詞有言一歲兒能騎馬之語  
廿三日贈左大臣從一位男慶雲院道号崇山

管領 細川持之

富山持國

京都將軍家譜上



京都將軍家譜

義政

治世四十九年

母同義勝

永享八年正月二日誕生

嘉吉三年七月兄義勝早世乃續家督時八歲

播州浪人立赤松三郎某為主起兵不克而伏誅

文安元年正月十日渡御管領畠山德本宅自御所至彼宅路次有辻固諸大名役之烏丸右中弁資任參御

車近習十餘騎供奉

十八日內裏三毬打德本參族四足門

二月十三日御沙汰始是夕吉書始德本出仕先例二月十七日也近年

內事故改用二十  
三日以為式日

四月北野社炎土先是西京住人等與東京住人等訴  
論酒麴賣買事西京人不堪愁憤閉籠社內管領德本  
與待所京極基相議遣兵捕被黨人聞諍放火西京  
悉焦土北野社內僧坊皆同祿

八月風聞南方官方蜂起太和紀伊之間

同二年細川勝元任管領賴元滿元持元持  
之勝元謂之細川六條

同三年四月御讀書始御乘馬始

十二月御名字定被深宸筆二條右大臣藤持通被傳

進之号義成

叙從五位下

是年僧周鳳住鹿苑院為僧錄司初義滿建鹿苑院以  
苑與京以言上之而賜公帖鳳為僧錄者凡三度

同四年二月叙正五位下任侍從

四月犬追物

五月富堅次郎與叔父安高訴論加賀國守護職管領

細川勝元扶持安高前管領畠山德本扶持次郎故使

兩人分領半國也

六月一條太政大臣兼良為關白初二條持基當職之

時兼良與近衛房嗣同訴望之及持基薨而房嗣代之

踰二年未上表於是兼良屢就室町殿母儀大方殿終

訴之故武家執奏之房嗣猶雖請為當職不肯許之

十一月九日御弓始小笠原民部大輔持長為御師範

武臣參賀

十六日御鞠始又初詠倭歌

畠山家人於紀伊國擊破南方蜂起者斬其將皇子基以獻其首是圓滿院還俗之官也

同五年正月十日攝關大臣以下參賀獻太乃因南方平夷也

十六日弓場始

二十七日判官坂上明世太判事大石惟弘於七位河原實檢南方皇子頸畠山郎等同行

十二月任左馬頭

寶德元年三月移徙北小路万里小路御亭

四月十六日御元服時十歲理髮者細川民部太輔教春

如冠者皆類細川武藏守勝元其餘諸役皆細川一

勅使傳奏中山宰相中將親通來被授御太乃云自武

家被獻砂金百兩御劔御馬於禁裏又被進御劔御馬

於仙洞傳奏親通賜御馬御太乃勝元勤枕菟翌日枕

飯畠山次郎義夏勤之

十九日元服賀儀先對面諸大名及近習五番衆次外

樣衆各獻大力其次公家大臣月卿雲客等也關白兼

賀事畢各參賀大方殿逢春日忌而歸

廿九日補征夷大將軍禁色宣下外記官務持參宣旨

將軍宣旨祿物砂金二十兩禁色祿物砂金十兩各納宣旨箱以賜之伊勢守貞親奉行之

是日御判始被行旨書管領勝元著殿上行之奉行頭

人伺候先沙汰八幡官寄進事云諸公家諸門跡來賀

八月御弓場始

任參議兼左近衛中將叙從四位下參內御衣冠駕八

元供奉其  
行粧盡羨

十一月評定始畠山德本再任管領而出仕

十二月細川讚岐守持常死阿波參河兩國守  
護以姪成之為嗣

同二年正月叙從三位

三月任權大納言

有月次詠歌

六月叙從二位

禁石清水神人近年猥致請取沙汰成神事之煩德本  
上臺

七月參內著直衣駕毛車月卿扈從雲客供奉日野右

大弁勝光揚御簾滋野井左少將教國御查役冷泉志  
兵衛佐永繼御劍役伊勢備中守貞親同因幡守貞仲

為帶刀其外衛府番長相從焉

八月三日南禪寺僧香林新建真乘院捧去四月十九

日之綸旨而請得管領德本之奉書以列諸塔頭許之

以禁私立  
新院故也

六日釋奠賜御教書於直講中原師益召之以為初缺

役

廿二日御受衣夢窓因師拜塔法名道禎但剃髮掛  
夢窓影像於御所被行之僧連竺雲修

十一月召歌人有百首御續歌飛鳥并雅  
親等出仕

同三年七月琉球人來

八月贈書於大明國

九月管領德本家人捕待所京極某所召仕之目付不及一往沙汰誅之京極怒向德本宅細川右馬頭成賢制止之德本出下手人京極軒之御的始細川淡路守成春為御合手以琉球人所獻之鳥目一千貫被進之於禁中十月大方殿將軍家母堂隱居於嵯峨既而歸京是斯波千代德被官織田一族訴論之事雖有御口入依無許客也

十二月廿七日參內院參因歲末也

享德元年細川右京大夫勝元再任管領代德本

同二年三月叙從一位

六月改名義政

十二月為源氏長者捕井學淳和兩院別當

同三年正月十日參內賀年始十三日月次御歌會始

四月畠山弥三郎政長出奔初德本無子養其弟持畠

之子政長以為子既而生義就或作夏号伊豫守於是德

本黜政長而立義就遂及確執政長潛出宅赴細川勝

元宅使其從者居山名持豐宅

有太神宮法樂倭歌百首

八月上旬畠山伊豫守義就家人離散多入山名宅從

政長

廿一日洛中物忽山名相模守教之細川兵部少輔勝

久率兵警固御所勝元持豐不來今夜燒畠山德本宅

德本逃居其叔父修理大夫滿則宅義就赴山名相模

守宅不納之乃去入遊佐河內守宅明夜義就遊佐自  
放火出京沒落 廿八日德本蟄居建仁寺西來院使  
政長續家督勝元扶持之謁將軍家今度之事御憤不  
已故勝元斬其家人磯谷某謝之

十月大明報書來

十一月將軍家召諸軍勢於室町殿是山名持豐入道  
宗全因昔上意為加誅罰也洛中物忽管領勝元中省  
之宗全獻告文奉謝之將軍家許之勝元大喜獻御馬  
御太刀賀世上之無為也宗全去京閑居於但馬國其  
子伊豫守教豐等在京奉仕幕府  
十二月鎌倉管領成氏殺上杉憲忠以報持氏之仇與

上杉黨合戰 憲忠者

細川讚岐守成之因宗全蒙御勸氣而屢請赦故赤松  
滿祐子彦次郎教祐或作教康及其從弟彦五郎則尚以復  
舊領乃許之教祐則尚赴播州

是年一國平均德政

康正元年五月山名宗全率兵入播州與赤松相戰教  
祐則尚敗走則尚於備前嶋自害教祐奔伊勢國而自  
害伊勢國司北島考与赤松同祖故教祐暫依國司而難欲免不能而死自是宗全入洛  
威權無比肩者請自騷動之起本也

七月改元康正因兵革自武家被執奏之

關東有挾郵心者皆被殺戮其首魁石堂一色世良由  
里見四人首入洛於室町殿四足門有實檢

高山右衛門佐義就率兵發向大和國片足邊其後因將軍家

之命而義就与政  
長和睦而在洛

八月任右近衛太尉時一歲

九月僧等助西堂於相國寺有入院之儀將軍家渡御

十二月山門衆徒就庄園事嗷訴不已捧日吉神輿入

洛命管領勝元防之既而賜御教書而歸山

同二年正月馬寮御監

二月御筮始

三月石清水參詣猷砂金太刀神馬柳原中納言資綱

勅御幣役滋野井中將教國勅御劔役管領以下供奉

七月御拜賀

是年贈書於朝鮮國王

長祿二年三月石清水參詣神輿出於舞殿歸路詣左

女牛若實

四月補家司六月御者陣并任大臣兼宣下御參内

七月任内大臣大將如元大饗

八月九日御判始公家様

十六日御直衣始十九日和歌御會始

晦日被渡進神器初赤松家人石見太郎左衛門尉為

浪人仕三條内大臣實量而屢歎赤松家絕實量憐之

曰何以贖嘉吉弒逆之罪石見曰若弒南帝取三種神

器獻之則如何實量奏問之且告武家皆許之石見喜

而使赤松族間嶋某及家人中村某詐請仕南帝々々

許之既而弒南帝取神器而歸吉野卿民追之殺中村

等間嶋遂以神器入京奉獻之勅納之於紫宸殿於是

將軍家召赤松次郎政則赦之再興其家賜加賀半國  
山名宗全憤之密使人殺石見滿祐弟曰義雅亂生  
九歲僧天隱龍澤携之匿山中得免死其後生政則而  
性存死命茲政則五歲今按明德三年大内義弘取  
三種神器返送之於帝都事  
已詳義滿語中暫存兩說

同三年二月花亭寢殿立柱上棟

石清水御參詣日野中納言藤勝光等扈從焉  
長山名宗全一色政熙等供奉

十一月新造御所移徙有御的并乘馬始

寬正元年七月石清水參詣傳奏中山前大納言藤親  
通鷲尾參議藤隆量等扈從焉

八月轉任左大臣大將如元時年止

九月畠山右衛門佐義就再遣將軍家之命伊勢兵庫  
助飯尾下總守為御使赴義就宅告曰早可避屋形

義就不能謝焉白書出京到河内國入若江城遊佐河

内守國助迎之於是畠川尾張守政長續家督閏九

月政長奉命率兵欲擊義就到和州立田十月義就  
使遊佐譽田等襲立田政長擊破之遊佐譽田等討死

義就屢出戰敗而楯籠嶽山城政長入河内取若江城  
進陣於寬弘寺而攻嶽山

十二月御拜賀聽牛車  
是年朝鮮聘使來貢

同二年八月上表辭大將  
是年政長攻嶽山城與義就合戰相持義就居嶽山又  
構金胎寺城使守之



朝鮮使者來

同三年四月使細川讚岐守成之管領山名彈正是豐

宗全及武田佐々木并伊勢國司北畠教具軍勢凡此

餘外國之兵加政長以攻嶽山金胎寺兩城義就能拒

之諸軍競進陷金胎寺城

同四年三月諸勢攻嶽山城山名是豐為先登義就力

戰氣疲四月潛出嶽山入高野山五月政長與諸將進

到高野山下於粉川邊與義就相戰義就遂敗逃亡於

吉野山政長詳進於京都猶索義就

八月將軍家因母喪解官九月復任除服

十二月命政長振旅政長乃使兵守紀州河州諸城而

山名宗全聞義就能戰曰彼家爭論者我所望也然

義就勇士也我若與彼同心則洛中不足圖也義就亦

謂山名威權壓諸士故密通志於宗全

同五年四月五日於紀河原有勸進青松院法印後樂

觀世音阿弥及子又三郎善成勸進將軍家構御棧敷而渡御

覽之管領細川勝元獻盃酒還御時在駕於勝元宅七

日又有後樂將軍家在棧敷御覽之畠山政長獻盃酒

歸路政長假勝元亭奉請將軍家十日又到棧敷觀後

樂斯波治部大輔義廉進盃酒還御時渡御義廉宅每

度後樂纏頭御衣細川畠山斯波各授一疋御相伴

衆御供衆以下吉良石橋赤松京極太内三管領及吉良石橋不及御免而

乘輿其餘者無御免則不能乘焉

七月將軍家為院執事有拜賀

八月兵杖宣下

畠山政長任管領代細川勝元

十一月將軍家准三宮時年卅

將軍家倦政務故遣使者召其弟淨土寺門主義尋曰  
早可還俗可以天下附汝也義尋疑之將軍家曰他後  
我若生子則不脫襁褓而可為沙門家督不可違變也  
十二月義尋乃長髮改名義規号今出川殿以細川勝  
元為執事其餘近習外擗勤仕將軍家及今出川殿号  
兩御所然將軍家無老休之意

同六年三月遊花頂山若王子大原跡御覽名花

八月御參放生會

九月春日社參詣

十一月御臺所藤富子誕男子御臺所密遣書於山名  
宗全曰我兒可入釋門乎我不能忍也以此兒附與足  
下願調護之云宗全謂細川勝元者我壻也然彼與赤  
松相睦其意欲擯我乎義規治世則勝元可專威云不如  
護若君也乃從命

是年遣唐使赴中華將軍家書簡  
僧周鳳作之

頃年武藏國江戸城主太田道灌上洛拜謁將軍家

文正元年二月贈書於朝鮮國

三月大神宮御參詣

四月斯波義敏義廉相論家督初長祿四年斯波千代  
德昇世無子以兵族大野義敏為繼嗣家人甲斐朝倉

織田徒與義敏不平遂因伊勢守貞親言上之逐義敏  
義敏奔防州於是以涉川義廉斯波家督既而義敏  
妹為貞親妾貞親或曰義敏妾義敏子為蔭京軒真菜西  
堂弟子因是貞親與真菜相議屢請赦義敏將軍家許  
之故去年冬義敏入洛拜謁將軍家并今出川殿至是  
以義敏為斯波家督義廉不從命義廉者山名宗全塔  
也故宗全大怒與義廉相共集兵洛中風說義視亦負  
負義廉因是將軍家與義視絕義視潛行入細川勝元  
宅洛中物忽貞親及真菜遁走亡跡義敏奔北國或義廉  
義寬又於是將軍家與義視和睦日野內大臣勝光為  
使者義視不從勝元及一色範直諫之乃兩御所相和  
宗全欲使畠山義就上洛以為已助故因御臺所而以  
將將軍家得赦令召義就細川勝元畠山義長善也  
以欲使勝元宗全使義就入洛而逐政長  
失其助也

九月義就入河內國政長家人取其諸城十一日入  
洛拜謁事了見宗全於是政長設武備與勝元深交  
應仁元年正月宗全警固幕府四門又劫義視同入室  
町殿護之請殺勝元政長不許之既而行幸御幸于室  
町殿宗全之所為也乃諭勝元々々不從於是義視召  
細川教春以諭勝元與政長使絕交勝元不得已而從  
命宗全乃使義就等攻政長戰於御靈森政長戰敗逃  
亡宗全義就等專權備行京師勝元等閑居  
二月斯波義廉任管領  
勝元耻不救政長且惡宗全義就振威而謀起兵

掘溝以備之其所阿黨者

一族

掃津丹波上

備中和泉

白山政長

越中

斯波義敏

從者五百餘人

國兵屬

越中

亦松政則

從者五百餘人

武田國信

交藝

西目

富樫

從者五百餘人

其餘吉良

義真仁木

成長土橋

政

永等諸大名小名近習外樣猶多

都合十六

宗全聞之

集其徒黨山名一族

但馬播磨備後伯耆備前

斯波義

越前尾

畠山義就

大河內

同義統

登一色義直

井伊勢土

土岐成賴

濃六角高賴

江州大内政弘

周防

豐前筑前

河野一族

伊其餘吉良

義藤仁木

教將

等以下不遑枚舉也

都合十

万余人

或曰初勝元

而後及勝元有

實子而以

向所養之子

為沙

暫開柵緩兵衛既而如元

勝元宗全相持未戰

義規親到

二人宅諭之於是兩方

五月十一日勝元使赤松政則

平播磨備前

而室兵衛

洛又使諸將分徇諸州宗全大驚

將軍家下令曰始戰

者我敵也其意欲使一人和

睦也此時勝元陣在東

方宗全陣在西方

宗全使一色義直守御所

元使大兵向御所

義直不戰而奔西

陣勝元乃參御所

奉還公方賜御旗

守四足門翌日

東西兩陣相互始

戰六月兩家於洛中

處合戰勝元乘勝

宗全召諸國

與力者京中兵火

西至大舍人寮

東至室町上至御靈

辻下至二條公家

武家大小屋舍

三方餘宇及寺院

皆燒亡町入地

者扶老携幼

離散逃走

八月大内介政弘

率大軍上洛

為救宗全也勝元使赤

松赴攝州拒之赤松敗走

十八日勝元參御所曰營中近習衆有通志於宗全者請退之近習衆聞之欲放火於殿中與勝元同死將軍家使三條大納言公春吉良左兵衛佐義信諭之因是近習者十二人出御所而退散勝元使人追殺之而不能廿三日勝元願將軍家勳負西陣故使畠山政長及細川一族奉迎主上上皇捧三種神器而行幸御幸於室町花御所是將軍家若捨勝元而寄意於宗全則欲挾天子以合戰也使吉良義信等守內裏於是日日關戰互有勝負南禪寺相國寺皆焦土諸大名家屋其外洛中洛外無不罹兵火御所亦殆危山名兵乘勝

九月義規潛出京赴伊勢國國司北畠中納言教具也

將軍家降左大臣

應仁二年勝元宗全相持於洛中其徒黨各守其陣場日日合戰且於諸國兩家阿黨者相分鬪戰不已四月將軍家遣御內書於伊勢召義規且使聖護院門跡齋勅書又勝元及畠山政長赤松政則連署奉迎之六月義規發伊勢入洛伊賀伊勢軍兵供奉使國司擊路次逆徒平之十月京者勝元使諸大名迎之入聖壽寺時有流言者曰勝元欲廢將軍家以奉義規故將軍家疑之密出營欲到山名陣勝元聞之大驚謂使義規赴山名陣則將軍家不可疑我也十一月勝元使武田信賢奉義規登出畷山宗全聞之大喜迎義規入洛居

斯波義廉宅而宗全以下秘臣守護之

文明元年正月宗全等率其徒辨謁義規獻太刀

三月十六日勝元夜使兵襲宗全營燒之到厩前事急

宗全自著甲冑出庭擊破之勝元兵遁走

義規赴宗全宅諸大名供奉一色義遠御劔役一色義

直為後陣以大内政弘任左京大夫

勝元請將軍家於御所邊修五壇法

五月多賀豐後守高忠自江州率兵上洛為合於勝

元也陣於東山既而聞六角龜壽蜂起高忠引兵歸江

州高忠者京極族也嘗為京所司代有表名

大内政弘留守二尾加賀守奉政弘伯父道頓以為主

前復舊地九州大亂乞降於勝元又故大宰少貳嘉賴子教賴自對馬入筑

同二年八月將軍家贈書於朝鮮國賀彼國主即位僧

周跌草之跌草綿谷

十二月後花園上皇崩於室町殿將軍家悲泣近年兵

革不止百官分散一條閑白兼良蟄居於南都其子教

房下向兵庫其孫房家下向土佐其餘索居離群者猶

多凡本朝舊記諸家文書逢此兵亂而燒亡紛失者不

可勝計也

同三年正月葬後花園上皇於悲田寺將軍家著藁屨

供奉管領勝元侍所赤松政則及所司代浦上則宗警

固之

五月賜越前國於朝倉孝景法名英林世傳越前者斯波武衛累世所領之國也

家老甲斐某殺其主而奪國朝倉在京聞之乃起  
越前越前甲斐而逐領其國武衛源治於東國也

勝元宗全猶對陣於洛中合戰不止諸國亦然

同四年勝元使赤松政則守山崎八月畠山義就發自

勝龍寺夜襲山崎相戰而還

是年畠山義統從將軍家之命背宗全歸勝元因是北

國通路開而運糧于洛中如平生東陣大震西陣窮困

宗全之徒多降勝元者

將軍家贈書於朝鮮僧景三草之景三號  
橫川

同五年三月十九日山名右衛門佐持豐入道宗全卒  
年七十

四月將軍家讓征夷大將軍於義尚

五月十一日細川右京大夫勝元卒年四十四法名

勝元宗全徒黨猶對陣於京中

十二月畠山政長任管領七日而罷或曰此間前後畠  
山義統依然軍功任

管領

同六年九月遣書於朝鮮求大明國之勘合古之遣唐  
使無勘合

自永樂年中初有勘合若  
無之則大明拒我使船

同七年八月發遣唐使兼贈書於大明國

同九年十一月諸大名各去京歸國義規義隆下向於

是洛中靜謐自應仁元年至是十一年也自是諸大名

皆守其領國似割據之形勢

頃歲關東上杉氏相分為山内扇谷兩家相戰故日本

國中悉為戰國

是年畠山政長任管領

同十二年七月前將軍家造壽像使僧景三作贊

晚年於東山慈照寺內造東求堂居焉蓄古器求名畫

契芳茗以遣世慮世於東山殿大館刑部大輔政重昌

守貞誠為御供衆細川治乃少輔政信一色兵少輔  
義遠為御部屋衆後藤佐渡守藤民了為走衆大館昌  
山及伊勢右京亮貞遠伊勢上野介貞繼為申  
次其餘番衆及同照吉阿弥調阿弥等奉仕焉

同十七年五月參內有二十首倭歌

六月十五日祝髮改法名道禎終入四國  
道慶道号喜山

是年都鄙和合

同十八年七月細川政元任管領

延德二年正月七日前征夷大將軍左大臣從一位准

三官源義政薨年五十六

三月十七日贈大政大臣号慈照院

管領 畠山持國

細川勝元

畠山政長

斯波義廉

細川政元

義尚居職十七年在義政治世之世

母從一位藤富子 裏松贈内大臣重政女

寬正六年十一月廿三日誕生

應仁元年洛中太乱時三歲

文明元年受列侯百官之札賀伊勢守貞宗輔佐之時



同五年四月十日御乘馬始

十二月十九日叙正五位下任左近衛中將聽禁色昇

殿補征夷大將軍同日元服九年父義政公為加冠柳原

左大辨宰相廣光理髮

廿五日参内

同六年正月御弓始

六月叙從四位下

同七年正月兼義作權守

四月叙正四位上

九月任参議中將如元

十月御讀書始將軍家好文學嗜倭歌試射御習書

法尊召小槻宿禰雅久講論語使下部兼俱講日本神

代紀又詠倭歌祝慈照院之壽屢於花御所厩前見犬

追物小笠原民部少輔長朝伊勢守貞宗大館伊豫守

尚氏等同候多賀豐後守高忠秋庭備中守元重布施

下野守奈良備前守亦被召加焉高忠換見之

同八年正月叙從三位

同九年正月叙正三位

同十一年正月叙從二位

九月將軍家御母堂参詣大神宮路次過飛鳥并雅親

栢木之近所雅親獻詠歌有御遠哥栢木里在江州甲賀

十一月御判始評定始於是代父義政領天下之事時

五十一

御受衣夢窓国師拜塔法名道治道号玉山後改玉山為悅山

同十二年三月任權大納言

將軍家御鞠始准后入御飛鳥井雅康同雅親以上四

人立有遊庭准后若東山殿也

七月一條大閣兼良依將軍家之請撰撰談治要一卷

進之ヲ

是年所被相定之御相伴衆畠山左衛門尉政長時為管領

細川九郎政元山名左衛門尉政豐一色左京大夫義

春細川兵部少輔久勝赤松兵部少輔政則斯波治部大

輔義康畠山左衛門佐義統京極政經大内政弘義康以下

皆在又御伴衆細川右馬頭政國山名宮内少輔豐之畠

山三郎其大館刑部少輔政信武田彦太郎親信赤松

係次即元祐伊勢七郎貞隆細川隱岐守成春同民

少輔政春畠山又次郎富樫中務少輔赤松次郎同刑

部大輔教貞伊勢守貞宗又申次者大館刑部大輔畠

山刑部少輔上野民部大輔伊勢左京亮貞成同下總

守貞數同備後守貞忠又御走衆者後藤佐渡守竹藤

左京亮小串下總守遠山彦太郎市新右衛門尉長下

總守廣戶刑部丞角田彈正忠

同十五年正月十三日將軍家催詩歌會後土御門帝

賜御製倭歌近衛関白政家式部卿親王邦高以下公

家門跡及武家能詩歌者來會檀僧景三景景鹿瑞仙周

麟等應召在其席凡四十人合評景鹿号蘭坡瑞

將軍家一夕夢後京極攝政良經詠哥曰此一篇以為

自贊覺而檢彼家集果有之因命畫工圖其像使飛鳥

井大納言雅親書其詞於其上

三月叙從一位

十月伊達兵部少輔成宗自奥州上洛拜謁

同十六年十二月為源氏長者補并學淳和兩院別當

同十七年八月兼任右近衛大將時年二十一

同十八年正月馬寮御監

七月二十六日為大將拜資參內豫命二階堂政行糾

其儀式其礼甚習洛人縱觀之小侍所細川右馬助政

賢召具後騎十人為前驅其次雲客二十餘輩其次地

下并隨身番長其次帶刀十二番其次將軍家御車其

次衛府官人其次公卿二十人扈從菊亭大納言公賴

御簾伎柳原別當重光御沓伎其次島山尾張守尚廣

佐々木治部少輔經秀伊勢備中前司貞隆畠樞介政

親騎馬行其次管領細川右京大夫政元召具後騎十

人為後指東山殿構按敷見之

長亨元年正月御直衣始

九月將軍家自帥師發向江州陣於坂本伐佐々木六

角高賴不上洛故也朝倉貞景率越前兵來從焉

十月高賴避城逃入甲賀山中將軍家陣於鈎里軍中

有間則聽講孝經又使講春秋左氏傳

是年伊勢新九郎長氏自京下向駿州其後長氏取豆

田原城寺上杉相戰以窺關東長氏子日氏綱々々子日氏康

同二年九月任内大臣有節會木將如元

將軍家改義尚祿義熙

延德元年三月二十六日征夷大將軍從一位內大臣

源義熙薨於江州鈎里軍中鈎一作油時年二十五

四月贈大政大臣号常德院

七月七日東山殿及太夫人富子赴常德院修卒咲忌

辰之佛事

義視視一作躬

母家女房小宰相

永享十一年正月十八日誕生

初剃髮入淨土寺為門主号義尋

寬正五年十二月二日依兄義政之命而還俗同日

左馬頭叙從五位下頭号今出川房

同六年正月叙從四位下左馬頭如元

二月御判并御弓御乘馬等始

十一月廿日元服於室町殿同日禁色宣下 廿五日

任參議兼左近衛中將

十二月任權大納言叙從三位

文正元年正月叙從二位

應仁元年正月叙正二位

五月洛中大乱八月義視竊出京赴伊勢國依北畠前

中納言源教具政事議義教具接待甚厚新構御所屢獻

盃酒義視屢遊覽各山古寺過浦邊詠海月詠後歌想

像京師以愁兵乱也

同二年四月應義政之招而發勢州贈短歌於教員教  
具有返歌乃經丹生平尾五月到須可積善寺入木造  
在東明寺伊賀伊勢義濃國士等或獻馬或獻卮酒奉  
迎之義濃人世保氏不從命使教員攻世保城拔之為  
之清道既而到長野以畠山式部少輔為先驅入寶壽  
寺伊賀仁木某參詣到江州多羅尾時京都諸大名使  
家族迎之乃登石山赴三井寺遂入洛十月移居聖壽  
寺十一月為細川勝元被劫俄登比叡山而又上洛入  
山名宗全之陣以為一方主事詳義政譜中  
十二月解官

文明九年義親去京下向義濃

延德元年四月義政以義尚知世政召義親於是相見  
子義材自義濃上洛居住三條東洞院通賢寺方丈同

月比七日落飾法名道存天台座主尊應准后為戒師

或曰夢  
窓拜塔

同三年正月七日入道大納言源義親薨年五十三号大智

院或曰義親  
准三子

贈大政大臣從一位

政知知一作朝異本  
作政氏

永享八年生

初剃髮入香嚴院為禪僧

長祿元年十二月二十六日還俗叙從五位下其後

任左兵衛督

文明七年九月叙從三位左兵衛督如元

延德三年四月五日卒於關東年五十七号勝幢院道

九山〇徃歲  
下向伊豆

義材任職四年再任十四年

母裏松贈内大臣藤重政女富子妹

文正元年誕生

應仁二年十一月義規登比叡山時細川勝元使武田

信賢護義材也及義規入山名宗全陣信賢密使入送

義材同赴宗全陣時三

文明九年與義規同赴義濃

長享元年八月叙從五位下任左馬頭  
延德元年四月與義規共上京義政養義材為子依義

尚早世

同二年正月義政薨

七月叙從四位下任右近衛中將禁色征夷將軍宣下

任參議時年十五

同三年四月南禪天龍住持與大德寺紫衣不會合大

寺四十年以前得勅旨著紫衣慈照院殿不知之後聞  
之而大怒故南禪大龍与太德不會合見相国寺僧龜

記

明應元年八月義材率軍赴江州欲攻六角高賴陣于

三井寺高賴隱於甲賀山中義材歸京

同二年二月義材發向河内畠山尾張守政長供奉為

致方畠山彈正少弼義豐也義就義豐屯於譽田義材陣

於正覺寺屢攻譽田而不利義豐密請援于細川政元  
政元從之四月廿三日義豐進兵攻正覺寺政元使  
兵救之遂攻破正覺寺政長力戰遂死從者皆被殺政  
長子尚順僅免奔紀州政元執義材置之於其家人物  
部紀伊守宅而護之六月義材夜潛逃出奔越中其  
後赴周防依大内介義興自是後之事詳于義澄譜中

義澄 任職十四年

初名義通

文明十一年誕生于伊豆國

明應二年四月自伊豆上洛叙從五位下細川政元廢

義材立義通為主先是伯父義政以義通為猶子

同三年十一月義通叙正五位下任左馬頭改名義高

十二月廿七日義高任征夷大將軍時年六歲

是年伊勢新九郎長氏攻取相州小田原城城主大森

實賴逃走長氏移居焉長氏剃髮号早雲改伊勢氏孫北條氏

同八年義高遣使於朝鮮國需藏經雕板朝鮮寄經而

不寄板

文龜元年罷義材諸職義材改名義尹タト在周防而

屢遣書於九州武士等以招懷之

頃年諸大名各在國多不上洛者細川政元承義高命

屢進發和州河州頗有軍功他國亦望其風勢

同二年七月十二日義高叙從四位下任參議兼左近

衛中將此日參内廿一日改名義澄

同三年正月十四日義澄叙從三位消息宣下上卿中  
山中納言藤宣親職事万里小路藤賢房朝臣五條大  
內記管為學持參位記飛鳥井侍從藤雅細取次之  
三月義澄遣使者朝鮮國求象牙  
永正元年飢饉九月洛中錯亂

同四年三月義澄於春日社有神樂七夜

六月細川右京大夫政元有潔齋之事參籠於愛宕山  
廿四日政元在浴室其家人右筆者忽入殺政元依是  
洛中鬪戰至八月三日靜謐政元子九郎澄之遭害

三好某自阿州渡攝州

同五年正月大内亦多々良義與奉義尹發周防而上

洛四月九日細川右京大夫澄元沒洛十六日將軍義  
澄出奔江州廿七日義尹著泉州堺六月八日義尹入  
洛義與相從焉義澄時歲北九義尹時歲四十三

七月朔日義尹叙從三位任權大納言再任補征夷大  
將軍義與管領諸事

十二月義尹叙從二位

是年三好氏亂入京都細川佐々木同心合戰三好氏  
於百萬遍寺自害

同六年六月十日義尹參内

十月廿六日子刻凶賊盤入義尹寢處義尹自防之家  
疵九少所

京勢發向江州

十二月十九日義尹始出座諸大名以下進太刀賀之



對馬嶋主宗義盛使僧上洛謁義尹々々授屋形号於義盛

是年義澄遣宋素卿赴大明國得飛魚服素卿而歸朝素卿

人朱編也先是入本朝改姓名曰宋素卿傳義澄嘗於細川政元宅与僧景三晤語

同七年二月十四日江東征伐諸軍攻山門光八日諸勢敗北

四月義尹使本卿扶泰安堵若狹國本領依大内義與執申之也

同八年正月畠山宮内少輔為義尹名代參詣石清水

七月義尹命八幡社務修仁王講

八月十四日義澄薨於江州岳山時年卅二法名号法

上名贈太政大臣從一位同月細川右馬助政賢等率兵攻京十六日義尹及大

内義與奔丹波於是政賢入洛光三日義尹率軍自丹

波上洛政賢拒之光四日戰於丹田山政賢敗死義與

有軍功義尹陣于高雄洛中無為九月朔日義尹

歸洛居妙本寺

同九年三月光六日大内介義與叙從三位依武功也

是年義尹發向江州

同十年三月十八日義尹出奔江州甲賀山中五月三

日歸洛改名義植

同十三年六月義植許朝倉孝景以持白傘袋并數毛

氈鞍覆同十五年八月二日大内左京大夫義與歸周防國傳

義興在京數年雖振權威然相接公家武家之間而供給不足殆至財盡故歸國

光四日中御門權大納言藤宗細叙從一位准大臣依義植執奏也

是年比叡山中堂供養義植登山

同十六年九月廿六日義植補源氏長者淳和并學兩院別當消息宣下

是年攝州陣破三好父子被害

同十七年細川澄元與其族高國合戰二月十七日高

國奔江州澄元者讚岐守義春子為政元繼嗣也高國者民部少輔政春子也政元養之

五月高國上洛六月澄元卒

大永元年三月廿五日義植去京出葬淡州号嶋公去

同三年四月九日前將軍源義植薨於阿州濨養

八法名道深道号巖山

号惠林院

天文四年四月八日贈太政大臣從十位

同三管領

義時

畠山政長

義時

細川政元

義時

多々良義興

細川澄元

義晴 治世三十年

母家女房

永正八年三月五日誕生

八月十四日父義澄薨

惠林院義植以義晴為子

大永元年六月義晴自播州上洛

七月廿八日叙從五位下

十一月廿五日叙正五位下任左馬頭

十二月廿四日元服加冠細川武藏守高國 廿五日

義晴任征夷大將軍禁色昇殿 時年十一

高國任管領

同二年二月叙從四位下任參議兼左近衛中將

同三年細川右京大夫高國使宋素卿赴大明國天內

左京大夫義興以宗設為使者兼道先素卿到寧波在

爭先後素卿賂於府吏而先謁依此諍論而罷市舶

同六年二月十六日石清水遷官將軍家參詣使飯

尾近法寺先至奉行杜家事聽神人之訴訟使細川高

國入道道永率騎士步卒警固山上使畠山尾張守植

長守山下宿院命攝州守護代山城守護代自東寺至

八幡為辻固及期將軍家乘塗輿出御細川右馬頭澄

賢畠山播磨守和泉守護一色新九郎伊勢守貞孝伊

勢備中守同朋古阿弥供奉結城左近將監能勢跡太

即飯川能登守小林五郎安東平次郎西郡四郎為走

衆細川家二人傳奏廣橋太納言守光日跡中納言內

光藤右兵衛督永家勸修寺某神祇伯雅陰陽頭有

春從焉繼川式部三上太藏為御物奉行松田丹後守

為御出奉行著御手善法寺廣橋日跡細川畠山為御

相伴既而社參有奉幣獻甲鎧具足弓虎籠太刀 白黑

神馬事終御覽當宮緣起十七日還京

八月將軍家坂本進發

十二月御的始召近國射手

同七年朝倉孝景於京都與三好合戰阿波勢多死細

川高國戰于桂川敗北

享祿元年將軍家避京都逆亂赴江州入朽木御座于

朽木民部少輔植細館植細善奉仕

五月以朝倉孝景被召加於御供衆

同三年將軍家猶在朽木正月廿日大外記清原良雄

為勅使參著將軍家任權大納言叙從三位時義晴

是年沙門惟宗賜公帖滌篆于鎌倉圓覺寺

同四年六月細川高國與細川晴元澄元於攝州天王

寺合戰高國敗北於尼崎自害高國海名道祖

天文四年四月朝倉孝景塗與御免賜御內書

將軍家自朽木歸洛之後屢奏內每度朽木民部少輔

植細為御劔役又定申次七人植細其一也

同五年三月甲州武田信虎子勝千代元服時年將軍

家賜御諱字晴信後信次刺

同七年七月相州小田原城主北條氏康與兩上杉山

內憲政扇谷朝定戰于武州河越氏康大破兩上杉軍

朝定戰死憲政奔上野於是關東八州多歸氏康

是年太宰大貳大内介義隆遣書於朝鮮

同八年將軍家求天明國勘合不從

六月京都物念將軍家若君移于八瀨里朽木植細奉

守護之ヲ

同十年將軍家出陣于坂本

同十五年十二月廿日將軍家兼右近衛大將以征夷

將軍護於義輝

同十六年二月大内及義隆遣進貢船于大明國時義隆正

三位侍從兼太宰大貳其威振于九州中區居周防山口城

三月晦日前將軍家及義輝入北白河城近衛准后直

家聖護院門跡大覺寺門跡日野大納言晴光烏丸大

納言光康高倉中納言永家日野中納言資將從二位

賀茂在富同入城

四月朔日細川右京大夫晴元率四國兵陣於東山放

入下淨土寺真如堂鹿谷北白河十日晴元下向輝

七月十二日晴元上洛陣于相國寺佐々木六角定頼

率江州兵圍北白川十九日前將軍家燒城出奔于

江州坂本北五日晴元蒙御免參向於坂本定頼同

御免

同十七年六月前將軍家及義輝上洛

同十八年三月三好筑前守長慶與其族宗三入道同

在攝洲相為矛指細川右京大夫晴元鼻負宗三宗三

在中嶋城細川右馬頭與長慶合戰不利宗三引兵入

江波城宗三子右衛門同國人三宅氏者晴元被官也

內通於長慶晴元使杏西越後守元成攻平之晴元移

入三宅城佐々木定頼者晴元舅也故與晴元約使其

予左京大夫義賢率近江兵救之然猶未發江州時長慶奉細川次郎氏經以為主河内人遊佐河内守長教大和人筒井順昭等屬焉長慶進陣於中嶋城晴元者氏細者高国子也網或作經

六月十一日宗三將三千餘騎晴元家出江波城越江口渡陣於水邊以待江州援兵而欲攻中嶋城廿四日長慶與其弟十河民部大夫一存相議先不向江口而攻三宅城一存為先登到大手破木戶逆茂木而入二木戶時城中兵僅百餘騎力戰防之一存曰陷此城者甚易也然不忍使晴元自殺也乃勸長慶率大軍攻

江口宗三防戰軍中糧盡且有內應者宗三遂敗走河

內國步卒追殺宗三從者死者一千三百八十人於泉晴元避三宅城經丹波潛到嵯峨耻敗軍而不入洛前

將軍家使伊勢守貞孝召之廿五日晴元入洛先是佐々木義賢將三万三千騎自江州入洛雖屯東九條邊聞晴元敗北而退於北白河北七日前將軍家及義輝避兵亂落都近衛准后植家同内大臣晴嗣聖護院門跡道增入覺寺門跡義俊三寶院僧正義堯久我大納言晴通同出京細川晴元同右馬頭晴賢同播磨守元常及佐々木義賢奉從焉到東山神樂里廿八日到江洲東坂本以常在寺為御旅館七月九日三好筑前守長慶入洛十五日歸國十月前將軍家構要害於中尾山伊勢國人加太猷良鷹前將軍家自愛之屢放鷹於江

州滋賀山中茂部雅樂頭晴直為鷹師者符衣

十二月不豫上池院紹胤獻御藥

同十九年正月御本例大漸足有腫氣佐々木彈正少弼定

賴等於敷山有新念事晴親獻御藥

二月召諸醫診脉祐乘三位法中瑞光竹田瑞外軒定

存等也皆無驗半非宮內大夫明與与上

池院紹胤互誓約無他心而後相談獻藥多

細川晴元佐々木定賴奉旨構城於如意嶽築石壁掘

池墮以備焉雖欲到新築之城因疾病而逗留於此

三月移御座於穴大山中穴大山

廿七日發自穴大山而欲入新城會伊丹太和守雅興

有叛心晴元請前將軍家而暫滯留于穴大由是作制法三十餘條以示彼城中群士

四月下旬召御家人出島暇且遺命以義輝事伊勢守貞孝三子淵掃部頭晴貞飯川山城守

信堅大館左衛門佐晴光厩津守元造等也

五月三日召土佐刑部少輔光茂寫御容於

四日前征夷將軍大納言兼右近衛大將源義晴薨於

左州穴大山中時年四十九法名芳松院七日贈左

大臣從一位於陣座有其儀上卿新大納言孝親卿奉

行職事頭中將重保朝臣也此日移前將軍棺於洛東

慈照寺於鹿苑院有佛事平少納言持參位記宣命細

川晴元同元常同晴賢佐々木義賢朽木民部少輔植

細參沈大御所獻香奠大館晴光剃髮入敷山御臺所

慶壽院落飾鹿苑院妙安和尚為戒師

廿一日有葬札松田對馬守盛秀奉行之五山長老以

下出座飛鳥井前大納言雅綱烏丸大納言光康廣橋  
中納言國光藤右衛門佐永相日歸左少弁晴賢著座  
各著烏帽子直垂御近習臣多剃髮  
廿六日中陰佛事結願也勅使烏丸大納言光康廣橋  
申納言國光來贈法華妙典一部

官領 細川高國

細川晴元

義輝 治世十六年

初名義藤

母近衛閑白藤尚通公女号慶壽院

天文五年三月十日誕生

同十五年七月廿七日叙從五位下

十一月十九日叙正五位下任左馬頭 十二月十九

日元服任日任征夷大將軍叙從四位下聽禁色昇殿

將上歲加冠佐木定賴理髮細川晴經拓乱佐木植細泔坪同高保

同十六年二月十七日任參議兼左近衛中將

同十八年六月避京師之難而與父義晴共奔東坂本

事見義晴譜中

同十九年三月移於穴大

五月四日義晴薨義輝續家督

十一日因佐々木定賴及子義賢細川晴元等之勸而

移居比叡辻寶泉寺

閏五月四日詠和歌以悼先考五岳僧皆奉和其末字



且朝廷巨亦作挽歌以吊慰將軍家

廿三日先考四十九日忌辰也齋饌了後初試魚味此

日使高和泉守師宣為御名代詣北野石華表

六月廿一日紙先考遺物於禁中伊勢守貞孝為使者

傳奏廣橋中納言國光請取之賜盃酒於貞孝

諸公家到寶泉寺御所拜謁御札前後有相論取闈被

定之

廿六日除服消息宜下勅使大外記清原枝賢持參宣

旨下向寶泉寺西刻刑部卿安倍有春參謁脫御素服

改著吉服誦中臣後以解除之賜素服於有春於中門

外挑之

上月二日御沙汰始松田丹後入道宗祥等以下奉行

十一月十九日三好長慶自攝州上洛放火於東山

廿三日放火於大津松本將軍家御家人并細川家人

燒城敗走廿四日長慶下國

同廿年三月三好長慶下知洛中地子錢事

七月細川晴元家人植籠相國寺十四日長慶乱入相

國寺放火

八月廿九日周防山口城主大内義隆家老陶尾張守

晴賢謀叛逐義隆々々出奔到長門時義隆為太宰大

從兼兵部卿威權甲西國故公卿雲閣從二位左侍

往依義隆者多矣會此乱起而前白藤我房前左大

從二位藤親世等剃髮逃走九月二日晴賢兵追到

長門義隆於大亭寺自害晴賢迎豐後國主大友宗麟

第三節義長為主而專國政暗賢剃髮改名全黨

是年北條氏康攻上野平井城陷之上杉憲政奔越後依長尾景虎法名謙信氏康執憲政子龍若殺之

頃年天下大亂關戰無已三好一族及其家人松永彈

正忠久秀振逆威於畿内南海近國織田信長出張於

尾張羨濃今川義元狗駿河遠江之地武田信玄奮發

於甲斐信濃之間北條氏康橫行於關左八州佐竹義

重在常陸而掠岩城葦名盛高領會津長尾謙信發越

後屢窺關東朝倉義景守越前畠山徒黨相分於河内

能登兩洲陶全薑押領周防長門毛利元就崛起於安

藝尼子義久在出雲而略隱岐石見伯耆等之境大友

宗麟振豐後龍造寺隆信居肥前嶋津氏在薩摩其餘

樹黨蓄兵割據國郡爭奪邑里者猶多

同北一年正月北八日將軍家上洛近衛准后等同途

此日細川右京大夫晴元落髮自堅田出奔

二月北六日細川次郎氏綱高岡子其弟藤賢上洛是皆

三好氏之所奉也 三月十一日氏綱任右京大夫藤

賢任右馬頭於是三好代細川執天下之權松永彈正少弼在京

其威與三好相侔

六月將軍家賜御諱字於越前朝倉延景改号義景任

左衛門督

同北二年七月北八日將軍家被免許前右京大夫細

川晴元入洛八月一日三好筑前守長慶并河内

勢二万人上洛將軍家落都十三日歸京長慶執晴元置之於杉可

自此細川家表

是年長尾景虎上洛

同廿三年二月十二日將軍家改御諱而号義輝

弘治元年毛利元就自安藝國以兵船十一月朔日襲

陶全薑陣時毛利隆景出自嚴嶋城共擊之全薑戰敗

死大友義長聞之奔到長門而自殺於是陶氏既亡而

元就悉領大内舊地其後將軍家賜錦直垂干元就且以為御相伴衆

同二年筑紫邊民侵大明地七月大明上官鄭舜功來

豐後贈書於京都

同三年三月遣返書於大明僧妙安草之

永祿元年將軍家入勝軍山城

同三年五月長尾景虎上洛謁將軍家賜諱字改号輝

輝虎歸國

同四年正月廿三日三好範前守義長上洛義長者長慶長子

居梅津長福寺

廿四日義長出任將軍家以為御相伴衆

二月朔日義長出任將軍家賜御紋此時亦永彈正少

弼同賜御紋

廿三日義長遊鹿苑寺時同朋縁阿弥來告曰將軍家

以酒肴欲來迎之於是義長參御所有酒宴既而義長

新築茅宅於立賣町比木下之地而構刻假屋平張以

請渡御

三月將軍家遣伊勢加賀守於河内飯盛城以召三好

修理大夫長慶廿六日長慶上洛奉謝賜御紋且賀可  
有渡御於義長宅

晦日將軍家渡御於義長宅乘塗輿若立烏帽子直垂  
御裝束者檜皮色著御袴路次有警固辻人有箒役細  
川右馬頭藤賢持御太力大波左衛門佐細川中務太  
輔上躰民部太輔松永彈正少弼伊勢左京亮伊勢十  
郎伊勢守万阿弥供奉焉筑前守義長率其族出衛門  
外奉迎之細川右京大夫氏細三好修理大夫長慶候  
於縁下既而入御於輿間有式三献義長献太力將軍  
家御覽御馬氏網長慶等躰踏於庭上其後八座獻  
御盃將軍家者中央上座御相伴衆則南方廣橋大納  
言國光高倉宰相永相細川右京大夫氏網三好修理

大夫長慶也北方勸修寺中納言晴秀飛鳥井中納言  
雅教三好筑前守義長也初献之時進上太力鎧弓矢  
腹卷馬其外小袖段子及諸具若于氏網長慶松永彈  
正三好日向守同下躰守同弓助同帶刀左衛門各献  
進物今日真有十七献自其第四献揚御簾始有徒樂  
乃至十四番纏頭鳥目一万疋御供衆以下皆飲食松  
永彈正為相伴御部屋衆者日向守下躰守為相伴其  
餘經營盡矣其後義長為松永被毒殺長慶既死改養  
十河一存子義繼為子自是松永專權  
同八年將軍家惡三好松永恣威蔑上而密運追討之  
謀而為之備五月十九日三好左京大夫義繼松永右  
衛門佐久通彈正等俄來攻御所急擊之警衛者防戰  
皆死於是將軍家使放火御所自取難刀出戰數回遂

義昭時二年

慶壽院殿同没一乘院覺慶鹿苑寺周高者皆

將軍家弟也三好松永遣兵誘殺周高于路次覺慶踰

春日山出奔于江州武日三武京六天

六月七日贈左大臣從一位号光源院而法名道圓三

号融山

義昭母同義輝在十十有自其世

天支六年十一月三日誕生

初南都一乘院門主法名覺慶

永祿八年五月義輝有御事而覺慶避難逐電還俗

改名義昭

同九年十二月廿八日源義榮叙爵

同十一年二月八日左馬頭源義榮上征夷大將軍

禁色昇殿九月義榮憂腫物卒

同月廿六日左馬頭義昭自表濃上洛織田彈正忠

信長供奉

同年十月十八日義昭任征夷大將軍禁色一殿同

日參議兼左近衛中將叙從四位下

同十二年六月任權大納言叙從三位

天正元年義昭出奔其餘事在信長秀吉譜中

慶長二年八月廿八日卒年六法名道桂道号昌山

號靈陽院

右京都將軍十三代但除自建武二年至永祿八

年合二百三十一年

寬永十八年八月廿八日依  
鈞命撰鎌倉將軍家  
譜進覽之了於是又撰京都將軍家譜九月五日起  
筆同廿九日終其功凡所校見之舊記殆卅部其餘  
及所聞說者亦有之胤螢已乾歧雪未降唯吹燈對  
月到鷄鳴以草之每晝清書之十月六日進覽之此  
冊即其藁也

羅山子道春

向陽軒春齋

明曆四歲初春吉辰彫刻

戊戌

